

„Droschak“

ORGANE

de la Fédération

Révolut. Arménienne.

ԴՐՈՇԱԿ

Adresse:

RÉDACTION DU JOURNAL

„Droschak“

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ“ ՕՐԳԱՆ

1903-1904

Նոր տարին սկսեց ահագնազորով ցնցումներով: Թնդանքները որոտում են արդեն Ծայրագոյն Արեւելքում և վառօդի հոտը տարածւելով՝ բարձրացնում է ամենուրեք ցաւագին աղաղակների մի անօրինակ ժխոր: Վայրկեանը գերազանցապէս հանդիսաւոր է և տաքնապալի: Վաղուց, Խրիմի պատերազմի օրերից իվեր քաղաքական հօրիզոնը այսքան չէր մթագնել, քաղաքակիրթ մարդկութիւնը չէր տեսել նմանօրինակ ընդհարում, այսքան մտատանջող և սարսափեցնող իր հաւանական հետեւանքներով:

Տխուր, չարագուշակ մարգարէութիւնները հրապարակի վրայ միցում են իրար հետ և ընդհանուր տպաւորութիւնը այն է, որ ռուս-կապօնական ներկայ պատերազմը չի մնայ կղզիացած, որ հրդեհը բորբոքւելով պիտի քարշէ ճակատագրապէս ուրիշ գործօններ, ուրիշ պետութիւններ դէպի համաշխարհային մրցակցութեան այդ ահեղ կրկեսը, ուր շահերը այնքան կենդանի են, այնքան խճողւած, այնքան հակամարտ:

Պատերազմ է. կռիւ թատրը ընդունել է արդէն իր սովորական կերպարանքը, — խորտակող ու խորասուզող նաւեր, մարդկային անհամար դիակներ, որոնք գնում են հանգստանալու ովկիանոսի պաղ անդունդներում... Հեռապատկեր — աւելի ևս սարսափեցուցիչ... Դիակներ, անվերջ դիակներ...

Կապիտալիստական քաղաքակրթութեան զոհերն են դրանք, և ո՞վ գիտէ... գուցէ նոյն այդ քաղաքակրթութեան գերեզմանափոքրներն են... Գուցէ հեռու չէ այն բաղձալի օրը, երբ համայնաւէր մի կատաւորօֆա, տիեզերական մի վերիվայրում կ'ազատէ մի անգամ ընդմիջտ խաղաղասէր ժողովուրդներին իրենց ռազմատենչ հրամանատարներից, երբ այդպիսով բռնի ուժը կը հանդիսանայ — սօցիալիզմի մեծ թէօրեփոխարտայայտութեամբ — մանկաբարձ բժիշկ՝ հին, անարդար կարգերի համար, որոնք յղի են նոր կարգերով... Պատերազմի սկզբնաւորութիւնը ցոյց է տալիս արդէն, որ կաւէ ոտքերի վրայ յենւած „վիթլարին“ մի շատ վտանգաւոր խաղ է սկսել „թզուկ“ Եապօնիայի դէմ, մի խաղ, որ կարող է անդրադառնալ Ռուսաստանի ներքին ճակատագրի վրայ, մի խաղ, որ իր զարգացման

հետաւոր փուլերում կարող է դնել հրապարակի վրայ ռուս բռնապետութեան լինել-չլինելու հարցը...

Հօրիզոնը մռայլում է, — ի՞նչ փոյթ ճնշւած, մութ թուռոյ ազգերին... Նրանք, որոնք այլևս ոչինչ չունին կորցնելու, բացի իրենց շղթաներից, նրանք վախ չունին նոյնիսկ համաշխարհային փոթորիկներից, ընդհակառակը, նրանք բնազդական համակրանք են տածում դէպի ամէն մի միջազգային բարդութիւն...

Անցած տարին երկու նահատակ ժողովուրդների՝ մակեդոնացիների ու հայերի կեանքում, սովորականներից չէր: Բռնութեան այդ երկու դժբախտ զոհերը իրենց մոլեգին երեւումներով կամեցան ցոյց տալ, որ մի անգամ ընդմիջտ ճանաչել ընդունել են փրկութեան միակ բանաւոր ճանապարհը — զինւած կռիւ:

Մակեդոնական ապստամբութիւնը, որ ընդհանուր հիացմունք շարժեց, միանգամայն տարբեր էր նախկին շարժումներից: Նա մասսային էր, օրհասական, կատաղի: Հասարակական կարծիքը Եւրօպայում հիմնապէս փոխեց իր վերաբերմունքը դէպի մակեդոնացի կտրիճները: Գեռսրանից մի տարի առաջ նրանք „աւազակներ“, սովորական ոճրագործներ էին՝ թէ պաշտօնական և թէ ոչ պաշտօնական Եւրօպայի աչքում: Այժմ նրանք մեծարւում են, որպէս հերոսներ: Կռիւր երկուստեք յուսահատական էր. Մակեդոնիան հանդէս էր գալիս իրրեւ պատերազմող կողմ և թշնամին կենտրոնացրել էր այնտեղ հարիւր-հազարաւոր բանակ:

Դիւանագիտութիւնը՝ երկչոտ, անվստահ, ինչպէս միշտ՝ իզուր աշխատեց սարսափելի դրամայի հանդէպ կոյր ու խուլ ձեւանալ նրա համար մակեդոնական շարժումը „զանցառելի մի բանակութիւն“ էր... Բայց ահա մի կողմից ապրստամբութեան յարաճուն թափը, միւս կողմից թիւրքական գաղանթութիւնները և Բուլգարիայի սպառնական դիրքը դուրս մղեցին նրան իր անտարբերութիւնից և ստիպեցին լրջօրէն ձեռք առնել կռուող ժողովրդի արիւնոտ դատը:

Եւ արդիւնքը... Ահա ամիսներ է, ինչ պաշտօնապէս սկսել է ռեֆորմների գործը և դեռ արդիւնքը անշուշտիւ է: Աւստրո-ռուսական տխրահռչակ նօտայով եւրօպական թիւրքիւն դրւած է երկու պետութիւնների գրեթէ բացառական հսկողութեան ներքոյ, — և հէնց այդ հանգամանքն է մակեդոնական ներկայ տաքնապի հիմնական պատճառը:

Իբրև մի տեսակ հակազդեցութիւն այդ դրութեան դէմ, իբրև բողոք, հրապարակ եկաւ—տարաբախտաբար կարճ ժամանակով միայն — Անգլիայի առաջարկը՝ պահանջել սուլթանից Բերլինի դաշնագրի ամբողջական գործադրութիւնը թէ Մակեդոնիայի և թէ Հայաստանի վերաբերմամբ:

Անգլիական առաջարկը արմատական և միանգամայն արդար լուծումն էր տալիս, այն է՝ սահմանել Մակեդոնիայի համար նոյնպիսի մի ռէժիմ, որպիսին գոյութիւն ունի Ղիբանակում—քրիստոնեայ կառավարիչ ընտրւած սուլթանից, պետութիւնների համաձայնութեամբ, վարչական ու տնտեսական անկախութիւն, տեղական զօրք եւն:

Այդ բողոքը շատ լաւ էր, բայց բնաւ չէր մտնում Աւստրիայի և Ռուսաստանի հաշիւների մէջ: Մակեդոնիայի ինքնավարութեան վրայ խաչ դրին նրանք և առաջ քշեցին «կիսամիջոցների», ողորմելի պաշտօնակների քաղաքականութիւնը, որից տառապում է այսօր թշուառ Մակեդոնիան, մարդկութեան խիղճը և նոյնիսկ միջագոյին խաղաղութիւնը:

Աւստրո-ռուսական ծրագիրը ևս մի շօշափելի վաստակ էր, եթէ գործադրւէր: Համիդի կառավարութիւնը ամէն տեսակ խոչընդոտներ է դնում: Ամենաչնչին պատրւակներով նա ձգձգում է, օրինակ, ժանդարմերիայի կազմակերպութեան գործը: Ռէֆորմների ընդհանուր վերահսկողը Համիդի մարզն է և նրա կամքն է գերակշռողը: Նրա երկու եւրոպացի օգնականները, ինչպէս և ժանդարմերիայի կազմակերպող իտալացի սպան՝ առ այժմ անզօր են կացութեան մէջ էական փոփոխութիւն առաջ բերելու... Այնինչ ռէակցիան իշխում է թեւատարած, հալածանքները կրկնապատկուում են, ասիական թիւրքիայի բանտերն ու արքայադերձերը շարունակում են լցւել մակեդոնացիներով և բուլղարներով, որոնք կրում են մի սոսկալի նահատակութիւն...

Որպիսի փոթորկոտ թեւական անցկացրինք: Հայրենիքի մեծ հատւածներից մինը, Անդրկովկասը, ենթարկւեց անաւերելի ու ծանր փորձութեան: Մի նոր գարագուռն բացւեց նրա համար՝ կեանքի ու վերածնութեան մի դարագլուխ՝ որ չպիտի ողբանք, այլ պիտի ողջունենք: Հայի վերաւոր գոյութիւնը մի փոքր ևս տրորւեց, մեր ծով տառապանքին մի բանի հարւածներ ևս աւելացան, բայց նոյն այդ հարւածներից աճեց, մեծացաւ հայութեան ոգին, պատւի գիտակցութիւնը, ազատութեան տենչը:

Կեանքը մի զարմանալի հիւսւածք է ամենաայլազան պատահարների, ուր յաճախ դժւար է զանազանել չարիքը բարիքից... Սարսափելի է բռնաւորի խարազանը, բայց մինչև որ նա չի հարւածում, չի էլ զգաստանում մրափող ստրուկը, չի էլ արծարծւում այն սուրբ, փրկարար ատելութիւնը, որ խթանն է տիեզերական ազատագրութեան: Կովկասեան հայութիւնը կանգնած էր անկման

անդնդի ծայրին. մի առնական թուիչքով նա յայտնեց անդնդի հակառակ ծայրին: Նա այլասեռւում էր, անպատիւ կորչում,—այժմ նա վերստին ճանաչեց ինքն իրեն, ուշքի եկաւ և կամայականայ ընդունեց, ի-րացրեց մի նոր եղանակ՝ մտածելու, զգալու և գործելու...

Տասնէհինգ տարւայ յեղափոխական պրօպագանդը ապարդիւն չէր անցել: Տասնէհինգ տարի անխոնջ քարոզելով յօգուտ տաճկահայ եղբայրների ազատութեան, յեղափոխական կազմակերպութիւնը պատրաստել էր կովկասեան հողի վրայ մի փառաւոր սերունդ, որը անցեալ աշնան հուլիսի բռնկումներով փոթորկեց մըթնոլորտը և մինչև օրս էլ սարսափի մէջ է պահւում երկրի դահիճներին:

Ոչ պակաս ահաւոր էր կացութիւնը թիւրքահայաստանում: Նախորդ տարիների ձգնաժամը ընդունել էր այնտեղ օրհասի կերպարանք: Թիւրքական դաւերի կենտրոնն էր Սասունը: Այնտեղ ստեղծւել էր մի նոր դրութիւն: Այնտեղ բարձրաբերձ լեռների վրայ, հայ յեղափոխական բանակը պարզել էր իր դրօշը: Պէտք էր ոչնչացնել նրան: Դիւրին գործ չէր այդ: Վաղէմի մեթոդով առաջ գնալ, դաւերով, նենգամիտ խոստումներով ծուղակի մէջ ձգել լեռնականներին—անհնարին էր: Եթէ հնարաւոր էլ լինէր—անպատեհ էր: Նոր-նոր սպանդանոցներ սարքել Սասունի առաջին ջարդի տասնամեակին և նորից լսեցնել աշխարհին նրա ցնցող ձայնը,—դա մի չափազանց կնճռոտ խնդիր էր, մանաւանդ մի այնպիսի ժամանակ, երբ Եւրոպայում հսկայական միթինգներ էին գումարւում յօգուտ հայերի, ընդդէմ սուլթանի մարդասպան քաղաքականութեան:

Բայց միւս կողմից էլ Համիդի կառավարութիւնը չէր կարող մարսել, որ իր աչքերի առաջ, բարձրում, համարձակ բռն են դրել Ֆէդայիները և իրենց անառիկ դիրքից տիրում են շրջապատին: Ծանր, անպատւաբեր էր իրողութիւնը— և թշնամին քայլեց:

Եւ հասան Սասունի «կրակ ու բոցի օրերը»: Յունիսի վերջերին կանոնաւոր զօրքերի բանակը տեղաւորւեց Շինըք գիւղի մօտ: Բաղէշի կուսակալութեան, Մուշի միթէսէրի-ֆութեան կողմից՝ պատւիրակներ, զօրապետներ ցրւեցին քիւրդ աշիրէթների մէջ՝ նրանց իրար հետ հաշտեցնելու, կրքերը բորբոքելու և Սասունի վրայ թափելու համար:

Յունիսի վերջերին հաղորդակցութիւնը խզեց Սասունի և Մուշի միջև: Կառավարութիւնը միջոցներ ձեռք առաւ՝ բաժնելու յեղափոխական-զինւորական խումբը հայ ժողովրդից: Իսկ ժողովուրդը ձեռք-ձեռքի տւած յեղափոխականների հետ, քաշեց լեռները, դիրք բռնեց Անտոքի ու Գէմիսի գագաթներին և պատրաստւեց կռւի: Բաղէշի և Մուշի իշխանութիւնները իրարու անցան: Թշնամին մօտեցաւ, ստւար բանակով տեղաւորւեց մէկ-երկու ժամուայ հեռաւորութեան վրայ, մնաց այդ դիրքում ամբողջ երկու ամիս, փորձեց գրոհ տալ, բայց տեսաւ ապստամբների

պաղ վճռականութիւնը, վարանեց, հեռացաւ, իր թոյնը թափելով դաշտի խաղաղ ազգաբնակչութեան վրայ:

Դաւը վիժեց: Հայ արծիւները մնացին թառած իրենց բներում: Սասունը մնաց անկախ վիճակում... Բայց թըշնամին միշտ հետամուտ է: Առաջիկայ գարնան նա կը վերսկսէ կաղամկերպւած գորհը. թիւրքական ռազմագիտութիւնը ի գործ կը դնէ իր բոլոր հնարքները՝ միանգամ ընդմիշտ ընկճելու ըմբոստ լեռնականներին և քնքելու ֆէդայիների հետքը:

Հեռու տեղերում, կայսրութեան խուլ անկիւններում հայ յեղափոխականների երևան գալը աւելի ևս բորբոքում է մեր թշնամիներին... Յայտնի է, որպիսի սարսափ են ազդել տաճիկների և քրդերի վրայ Բասենի վերջին ընդհարումները, ուր 150 հոգուց բաղկացած ֆէդայիների բանակը գիմագրաւել էր թիւրք կանոնաւոր զօրքին և հազարաւոր խուժանին, թողնելով կուռի դաշտում 500-ի չափ թշնամի դիակներ...

Ֆէդայու հուշակը, նրա ժողովրդականութիւնը աճում է օրէցօր, ներշնչելով թշնամուն և՛ երկիւղ և՛ պատկառանք: Հայութեան դարեւոր ոսոխ քիւրդը սկսում է սիրով դիմաւորել նրան, տեղ-տեղ նոյնիսկ զինակցել նրա հետ: Սասունի վերջին անցքերի ժամանակ քրդի համակրութիւնները բացայայտ էին: Մի քիւրդ ցեղապետ էր — Գոբրէ Շէրիֆ-խան — որ նշանակած էր մերոնց կողմից իբրեւ առաջապահ՝ հսկելու և պահելու Անտաքի ճանապարհը:

Որքան ծանրակշիռ մի հանգամանք է յարաբերութիւնների այդ յեղաշրջումը, որ, յուսով ենք, ժամանակի ընթացքում պիտի ընդարձակւի և պիտի շեշտւի...

Վաղան օրը պատած է ահաւոր խորհրդաւորութեամբ: Ամպերը քանի գնում թանձրանում են հօրիզոնի վրայ. Մակեդոնիան պատրաստւում է, Բուլգարիան պատրաստւում է, Սասունը կանգնած է նոր փորձութեան առաջ. վայ մեզ, եթէ անպատրաստ գտնւինք վաղան փոթորկի դիմաց...

Ա Ջ Ա Տ Ո Ւ Թ Ե Ա Ն Զ Ա Ն Գ

Ազատութեան զանգ, դու վե՛հ ղողանջէ՛ կովկասեան վսեմ, վէս բարձրունքներից.
Ինչպէս մրրիկ շաչէ՛, շառաչէ՛
Մինչև սիգապանծ Ազատն-Մասիս:
Անհուն վրէժի և ըմբոստացման
Եւ բուռն ցասման բարբառը հնչէ.
Ժողովուրդների անկախ, ինքնիշխան՝
Դաշն ազատական խրոխտ ղողանջէ:
Լեռներից խրճիթ, և ձորերից ձոր,
Եւ սրտերից սիրտ ձայնդ թող թռչի.
Եւ ընդվզումի պատգամդ հզօր
Յաւիտեան անլուռ երբէք թող չհանգչի:
Ըմբոստ ոգիներ, թե առէք, հասէք,
Եւ զանգահարենք ամուր, միհամուռ.

Զանգն ազատութեան զանգահարեցէք
կովկասի համար հանուր, ընդհանուր:
Եւ որոտա՛, զանգ, և դո՛ւ արթնացրու
Դարեւոր նիրհից Մասիսն ու կազմէկ.
Թափ տո՛ւր թեւերդ, արծիւ լեռներու,
Քնած առիւծներ, բաշերդ թօթէք:
Եւ բաւական է անարգ լծի տակ
Մենք ստրուկ մնանք՝ ձեռներս շղթայ.
Կապանք փշրելու մեզ թոյն ու կրակ,
Մեզ ուժ և կորով, վրէժ որոտա՛.
Եւ մեզ ամենքիս մոնչա՛, կոչէ՛
Մահաւն ու փառքի դաշտը պայքարի.
Սրբազան ռազմի կոչնակը գոչէ՛
Ընդգէ՛մ բռնութեան, չարի և ծարի:
Հրաբուղիների դո՛ւ վսեմ երկիր,
Եւ ծովերից ծով հուժկու որոտա՛
Քո սուրբ ոտքերով և զարկ, — և ժայթքի
Լիբը ծարի գլխին, — աշխարհը թնդայ:
Եւ ազատութեան նորոգ արեւի
Ոսկի ներբողդ, Զանգ, զւարթ հնչէ.
Բիւր գազաթներից ազատ կովկասի
Սուրբ եղբայրութեան տօնին մեզ կանչէ:

Ա Ր Տ Ա Ւ Ա Զ Դ

Թ Ղ Թ Ա Կ Ց Ո Ւ Թ Ի Ի Ն Ն Ե Ր

Ն Ա Մ Ա Կ Ն Ե Ր Վ Ա Ն Ե Ն

I

30 նոյեմբեր, 1903

Հայաստանի մեծ թողութիւնը. — Կառավարութիւնը տարեց տարի ներբացնում է իր քաղաքականութիւնը՝ Հայաստանը պարպելով բնիկներից և լեցնելով որջերի մէջ արջերի հետ ապրող քրդական աշխրհներով: «Սալաֆ»-ի տաճ աւելումները աննկարագրելի են, իսկ այս վերջին ծրագիրը՝ զուտ հայարնակ գիւղերը քիւրդերով լեցնել՝ արդէն չափազանց է և ժողովրդի համբերութիւնից վեր...

«Սալաֆ»-ը կառավարական վաշխառուական կեղեքման մի ձևն է, որ թիւրքի մենաշնորհն է միայն: Կառավարական հարկահաններ թուով 6-7 հոգի (կառավարական հարկահան և զինւորներ) կը մտնեն գիւղ, կը ներկայացնեն նախկին տարիների հարկային պարտքերի հաշիւը (ներկայումս չկայ գրեթէ մի գիւղ, որի վրայ դիզած չլինեն իրենց հրէշային տոկոսներով նախկին տարիների ապառիկները) և կը սկսին շրջել: Մէկը միւսի ետեւից կալում դիզած ցորենների շեղջեր անհետանում են պարկերի մէջ. դեռ նոր ծածկեց պարտքը, դրանց յաջորդում են ներկայ տարւայ հարկերը. ո՞րտեղից պիտի առնեն, քանի որ կալը դատարկեց, հարկահաւաքներ հրացաններով ու մորակներով կը լեցան տուններ և մի րոպէի մէջ կը դատարկեն տունը ամաններից և ցնցոտիներից. այդ իհարկէ չի գոհացնում, և ահա այդ րոպէին կառավարական հարկահանների նոյն խմբից «գլխաւոր» մի պաշտօնեայ առաջարկում է դրամ, որ, ստիպւած, վերցնում է գիւղացին միւս կալին տոկոսով վճարելու պայմանաւ. — սա է սալաֆը:
Հայոց Ձորի Արատենց գիւղի վրայ դեռ 95 թւից հարկերի ապառիկներ են դիզած: «Այս տարի — պատմում է գիւղացին — եկան գիւղ, մորակի ու զօնգաղների տակ

տւին գիւղացոց և հաւաքեցին, յայտնելով, որ այս անգամ պիտի վճարեն բոլոր պարտքը և այս տարւայ տուրքերը: Սուգ, շիվան ընկաւ գիւղ. հաւ, ոչխար կահաւարասիբ, եղած հացը, բոլորը, բոլորը տարան և դեռ պարտքի կէսն անգամ չվճարեց. հարկահանները սալաֆ տւին հաշուելով բերքը հետեւեալ գներով. մի չափ ցորենի համար, որ արժէ 25-28 ղըշ, կը վճարեն 5 ղըշ, մի չափ կտաւատի համար, որ արժէ 30-35 ղըշ, կը վճարեն 14 ղըշ, մի չափ գարիի համար, որ արժէ 15-20 ղըշ, կը վճարեն $2\frac{1}{2}$ ղըշ: Այդ հաշուով նրանք տւին դրամ: Զանցած մի քանի օր՝ հարկահանների մի նոր խումբ եկաւ. գիւղացիների յուսահատութիւնը ծայրայեղ էր. նրանք միջոց խնդրեցին և դիմեցին կառավարութեան ցորենի փոխառութեան համար: Կառավարութիւնը հրամայել էր գիւղի միւլթազիմին տալ 100 չափ: Ցորենը դեռ նոր ստացւած, ահա եկան հարկահանների երկու խումբն էլ. առաջինը կը պահանջէր իր տւած դրամը, երկրորդ՝ հարկը... Եւ այժմ, հարկահաւաքների երկուդից՝ գիւղացիք թողել են են իրենց տունտեղ, ընտանիքը մերկ, անօթի ու թշուառ, փախել են հեռաւոր գիւղեր, քաղաքներ և կաշաղ են դարձել: Այդ փախչողներից մէկին այժմ բռնեցին և երկու հրացանի զօնդաղ կոտորելով վրան՝ բանտ նըստեցրին:

Նոյն գիւղի հարուստներից Յովհաննէսեան Պօղոս, որ 95 թւին մեծ կարողութիւն ունէր, այսօր բացի այդ բոլորը կորսնցնելուց, հազիւ կարողանում է օրական պարէնը հոգալ. այսինքն ունենալ ցամաք հաց և թոնրի ցնցոտիներ: «Դու կը կարծես, թէ նա եկամուտ չունի» — կը գրէ ինձ ընկերս — 300 չափ ցորենի եկամուտ ունի, բայց դեռ կալի մէջ դիզւած՝ հարկահաւաքները սրբել են բոլորը և 100 չափ ցորենի և 15 չափ կտաւատի պարտք են դրել վրան. և կալը վերջացնելուց յետոյ նրա ընտանիքը՝ գործիքները հաւաքած մղկտալով առանց մի հատիկ ցորենի հեռանում է կալատեղից: Մեր գիւղը 1,600 չափ եկամուտ ունի, որից մնում է միայն 120 չափ, այդ էլ միայն երկու տան սեփականութիւնն է»:

Քրիստոնեայ ազգաբնակութեան ոչնչացման և տնտեսապէս քայքայելու ու գաղթականութիւն առաջ բերելու համար է, որ կառավարութիւնը հնարել է հայ գիւղերում քիւրդեր բնակեցնելու ծրագիրը: Հայոց Չորի արդէն մի քանի գիւղերում, որոնք զուտ հայաբնակ էին, մօտերս եկել ու գրեթէ զուով բնակութիւն են հաստատել քիւրդ ընտանիքներ: Հէնց մի օրինակ բաւական կը լինի պարզելու: Հայոց Չորի Քուէլ գիւղում ահա 2-3 ափս է բնակութիւն է հաստատել մի քիւրդ Ռավշան բէկ. նա ինքը վատ քիւրդ չէ, բայց խաղաղասէր աւազակներից է, որոնք ապագայի փայլուն երազներով գրավւում են կառավարութեան պարզած հեռանկարից և մտնում են հայ գիւղեր: Սկզբում նա իր ոչխարն է ուղարկել գիւղ պահել տալու, ապա ինքը իր մի կնոջ և մէկ երկու ծառայի հետ եկել է այնտեղ. իսկ այժմ արդէն բերել է ամբողջ ընտանիքը. ամէն օր նա գիւղացոց առանձին-առանձին շողորորթում է, խոստումներով և հովանաւորութեամբ գրաւում է, որպէս զի մի հանրագիր պատրաստել տայ ու ստանայ վարելահողեր... Այդպէս է վասպուրականի գրեթէ բոլոր հայաբնակ գիւղերի և Ալճաւազ, Բերկրի, Հայոց-Չոր, Գաւաշ և ընդհանրապէս վերաբերմամբ գծւած ծրագիրը:

Ջիւնուորների թռնուծիւնները. — Ջիւնուորակոչութիւն է: Տրապիզոնից, Երզնկայից, Սամսունից և հեռու նահանգներից հարիւրաւոր վայրերի, աւազակ տաճիկ յիւռաներով (նորակոչ ջիւնուոր) լեցւած են գիւղեր և քաղաք: Գիւղերը անասելի կամայականութեան են ենթարկւած. էլ ոչխար, ձու, հաւ, իւղ, չէ մնացել այնտեղ: Բաժանւած երկերկու, երեք-երեք, իւրաքանչիւր տան, նրանք ինչէր ասես չեն կատարում, ինչ լիբր արարքներ գործ չեն դնում հայ նահապետական սուրբ օջախում... Անցեալ շաբթու տասնեակ գողութիւններ պատահեցին քաղաքում: Բացի տան իրեղէններից ճերմակեղէն, լաթեր և կապերտներ գողանալուց, շուկայից արձակ-համարձակ օր-ցերեկով կտորներ են գողացել, հագուստներ են յափշտակել, որի համար և մի քանի հայերից փառաւոր դասեր են առել:

* * *

Նորերս Ալճաւազի յայտնի կրեսոս Քեօռ-Հիւսէյն փաշայի ամբաստանութեամբ՝ ձերբակալեցին այդ փաշայի աներոջ տղայ Ալի բէկին: Վերջինս մեղադրւում էր իբր յեղափոխական և մասնակից հայ յեղափոխականների շարժման: Ամբաստանութիւնը հիմնւած է այն բանի վրայ, որ Ալի բէկը իր հայ հպատակների հետ մարդավայել կերպով կը վարէ: Ալի բէկի եղբայր էմին փաշան (Վոճերին գիւղից) իսկոյն դիմել և ազատել է եղբոր:

* * *

Լրտեսութիւնը. — Լրտեսների մի ահագին լէգիօն կայ այս կողմերում: Յանկարծ տեսնում ես երէկւայ վստահելի և անկեղծ մարդը այսօր լրտես է դառել: Ցաճիկ և հայ կոմիսէրներ ու փոխներ ազգասիրաբար կաշխատեն, փափուկ կերպով կը մօտենան, կը բարեկամանան սրաւնրա հետ, երբեմն թեթեւ «լաւութիւններ» կ'անեն և ահա «երախտագէտ» հայեր փոխարէնը կը սկսին հատուցանել, երբեմն գիտակցաբար, երբեմն էլ յիմարաբար. էլ չգիտեն, որ յեղափոխութիւնը ևս երախտագէտ է և լիովին կը հատուցանէ վաղ թէ ուշ...

Ջան-բէգար. — Վաղուց չէ, ինչ կրօնամոլ քիւրդերից կազմւած է «ջան-բէգար» անւանող կուսակցութիւնը. անունը ինքնին բացատրում է կուսակցութեան սկզբունքը: Անդամները արիւնարբու աւազակներից, կրօնամոլ աղաներից և բախտախնդիր քիւրդերից է կազմւած: Գազանների այդ վոհմակը կը գործէր Մշոյ դաշտում, բայց փոքր առ փոքր մեր կողմին էլ են երեւացել: Ալճաւազ գաւառում նրանք սկսել են աւերումներ գործել: Քիւրդ բէկեր, գայմագամներ դրանց գործիք են շինել իրենց ձեռքում՝ հարկեր հաւաքելու և կեղեքելու ժողովրդին: Կարծում եմ այդ կուսակցութիւնն առաջ եկաւ այն բանից, որ կառավարութիւնը վերջերս լուրջ երկիւղ կրելով հայ-քրդական յարաբերութիւններից, շատ տեղեր զինաթափ արեց համդիէներին և քիւրդ ազգաբնակչութիւնը. իբր հետեանք՝ երեւան եկան ահա դրանք, որոնք կաշաղ կապրին և չեն ենթարկւում օրէնքին: Ջան-բէգար բառը երեւի ջան-ֆէդայու ճուտն է...

Հարկահանութեան նոր ծել. — Անասունների վերաբերեալ նոր հարկային օրէնքը գրգռել է բոլոր քրդերին: Ինչպէս յայտնի է, քրդերը մեծ մասամբ պարապում են խաշնարածութեամբ և տաւար պահելով. այժմ ամէն մի խոշոր տաւարի համար պիտի վճարեն 10 ղըշ, որը շատ անսովոր է նրանց համար, քանի որ ցայժմ նրանք չեն ենթարկւել հարկերի: Կառավարութիւնը նրանց պատ-

ճառած վերքի մոմուռը կը մեղմացնէ նրանով որ ամեն-
օրեայ դաւաթ-օրգիաներով կը թմրեցնէ նրանց պարա-
զլուխների միամիտ ուղեղները և Պօլէն բերել տւած
պոռնիկ կանանց տոփոտ գրկերի մէջ մոռացնել կըտայ
նոր հարւածները, իսկ ամբողջ քիւրդ ժողովրդի սանձը
արգէն տրւած է ուէ էլ-աղասու կամ շէյխի ձեռքը...

II

2 յունւար, 1904

Ինքնապաշտպանութեան գեղեցիկ օրինակ. —

Վարդենի քիւրդն էլ սկսել է հային այլևս հաւ չճա-
նաչել և հայն էլ իր գայրոյթը սկսել է արտայայտել
դրական կերպով:

Վանի մօտ գտնւող Թեմուր գաւառի Եկմալ գիւղի
ոէս Գէորգի տունը նորերս պաշարուած են 8 համրդիէ
քիւրդ և 2 հայ (տեղացիներից), զինւած մարթինի և
բերդան հրացաններով: Ուէս Գէորգը այդ օրը իբր 800
լիրա է ունեցել և վերոյիշեալ երկու հայերը զրգուելով
շաւէցի համրդիէ աւազակ քիւրդերի ախորժակը, յար-
ձակուած են ուէսի տան վրայ: Ուէսը տանն է լինում իր
եղբայրների, որդիների և մի քանի ազգականների հետ:
Դուռը ծեծում են. և ներսի հարցին լսում է պատաս-
խան «բաց, անցորդ ենք»: Դուռը դրսից հրում են. ուէսը
կասկածում է և մօտենում է դռան որ բանայ, երբ դրսից
8-10 հրացաններ են արձակուում: Բարեբախտաբար ուէսը
ժամանակին մի կողմ է թռչում, մնալով անվնաս: Ցան
մէջ եղողները սաստիկ զայրացած ու առանց վախի նշոյլի՝
ձեռք են ձգում պատահած փայտեր, թիւր և այլն, յան-
կարծակի դուռը բանում են և յարձակում զինւած
աւազակների վրայ: Վերջիններս յանկարծակիի եկած
տնից դուրս թռչող բազմութիւնից՝ փախչում են:

Ուէսին աջողում է ջարդել մի քանիսին փայտերով
և բռնել երկուսին, որոնց ձեռքից հրացանները խլելով
ջարդում են և հարցնում, թէ ի՞նչ էին ուզում իրեն-
ցից: Գերի քրդերը պատմում են, որ եկել էին փողերը
տանելու. իրենց առաջնորդել են երկու հայեր: Ուէսը պա-
հանջում է դրանցից այն երկու հայերին, հակառակ դէպ-
քում սպառնալով կառավարութեան յանձնել: Գերիները
ուրախութեամբ ընդունում են պայմանը և գոռում են
փախչող քիւրդերին, որ երկու հայերին ետ ուղարկեն:
Ընկեր քիւրդերը ստիպում են մէկին և ուղարկում են,
իսկ միւսը փախչում է: Ուէսը հային կալանաւորում է,
առանց սակայն ազատելու քիւրդերին: Փախչող քիւրդերը
տեսնելով, որ ուէսը գրգռեց իր խոստումը, հեռւից կա-
մնում են գնդակահարել, սակայն գնդակը փոխանակ
ուէսին դիպչելու, զարնում է ընկեր քիւրդի կրծքին ու
ծանր վիրաւորում: Այդ աղմուկին վրայ են հասնում
զօրքեր, որոնք բանտից այդ օրեր փախած քիւրդերին
փնտրելու ելած են եղել. պատմում է բանի էութիւնը,
որից յետոյ զօրքերը կապում են քիւրդերին և մի հային,
ձգում սայլի վրայ (ոտքով գնալ չկարողանալու համար.
ուէսը սաստիկ ջարդել էր նրանց) և չքապատած առաջ-
նորդում են քաղաքի բանտը:

Հայ սքիկաները. — Այդ է ահա յաճախակի դէպ-
քերից, կատարւած ապօրինութիւններից մէկի պատկերը:
«Ցունը ներսէն կը քանդուի», — շատ դէպքերում մեր մի քա-
նի ստրկահագործ լիբը սքիկաների ձեռքով են կատարւել և
կատարւում սպանութիւններ, աւազակութիւններ: Անձ-
նական ստոր կրքերին շատ անգամներ է զոհւել անմեղ
ժողովուրդը: Բայց յեղափոխութիւնը պիտի կարողա-

նայ կտրել այդ Յուդա-սքիկաների արմատը և միան-
գամ ընդմիշտ ազատել ժողովուրդը քրդից ու տաճկից
էլ աւելի վնասակար՝ այդ ստոր հոգիներից...

ՆԱՄԱԿ ՄՈՒՇԷՆ

1 նոյեմբեր, 1903

Սա ետարաները. — Այս անւան տակ Բաղէշի մէջ
մի ձիաւոր կամաւոր խումբ կազմեց կառավարութիւնը,
թիւրք ամենայնոսին տարրէն բաղկացած, որի պաշտօնն է՝
պատիլ նահանգին մէջ և արգիլել ֆէդայիներու անցքը
դէպի Սասուն:

Ֆէդայու ոտքը հայ գիւղերէն կտրելու նպատակաւ,
կառավարութիւնը նաև հայերուն բռնի վարձել տւաւ
քիւրդ և թիւրք պահսորդներ, ամեն մէկ գիւղի համար:
Անոնց պաշտօնն է խիստ կերպով հսկել և լռտեսել յե-
ղափոխական գործողութիւնները: Սակայն պէտք է ըսել,
թէ այդ բոլորը աւելի կը նպաստէ յեղափոխականներու
գիւղեր մտնելուն: Կառավարութիւնը վստահ ըլլալով իր
մարդոց վրայ, կը բաւականանայ անոնց տեղեկագրովը,
իսկ յեղափոխականը կարող է անոնցմէ անտեսանելի
մուտ գործել իր ուղած վայրը: Զուր ըսւած չէ՝ «Գողը
տնէն ըլլայ, եզն երգիքէն կը հանէ»...

Բանտարկութիւններ. — Վերջերս մի նոր մեթոտ
ստեղծւած է բանտարկութեան և կեղեքումի: Կը բա-
նան գիւղացիներու արձանագրութեան ամսաթիւերը, մէ-
ջէն կը վերցնեն մի որեւէ անուն — օրինակ, Արշակ, —
քանի մը ոստիկաններ կը զըկեն գիւղ՝ հարցնելու հա-
մար, թէ այսինչ անունով քանի՞ անձ կայ իրենց գիւղի
մէջ: Քանի հատ որ գտնուի, կը հաւաքեն կը տանին
կը բանտարկեն: Ապա կաշառք առնելով, կը թողուն: Կարգը
կուգայ մի այլ անւան՝ օրինակ Պօղոսի, ու այսպէս ան-
վերջ կը շարունակուի: Գեղեցիկ միջոց դրամ շահելու...

Յեղափոխութիւնը. — Այս ամենուն մէջ միտթա-
րական երևոյթն այն է, որ ճնշւած ժողովուրդը օրը օրին
կըզգայ թէ իր փրկութեան միակ միջոցը կուելու մէջ է:
Յեղափոխութիւնը քաջալերւած ժողովրդի վառ զգա-
ցումներէն, կը յառաջանայ: Նա այլևս երէկւանը չէ,
այնքան ուժովցած է, որ ակնյայտի կը գործէ: Նոյնիսկ
թիւրքերը կը խօսին թէ, Սասնոյ մէջ յեղափոխական-
ները բանակ դրած են Անտոք լեռան բարձունքներուն
վրայ...

Կապչին թիւրքերը, կը զարմանան այս յանդգնու-
թեանը: Անոնք միշտ տեսած էին յեղափոխականը իր
գաղտնի դերին մէջ միշտ թագնւած ու ժրաջան, միշտ
աներևոյթ ու գործօն, իսկ այսօր դերը փոխւած է, նա
հրապարակ եկած է, ափաշկարա կը գործէ, իսկ օսմ.
կառավարութիւնը իր ուժերէն վեր կզգայ նրան վնա-
սել Դեռ շատ ատեն առաջ չէր, երբ քիւրդ մը ֆէ-
դայի մը տեսնէր՝ ամբողջ գաւառ մը իրար կը խառնէր,
աշիրաթներ ոտքի կը կանգնէին, հայը երկիւղի տակ
կը սմբէր. իսկ այսօր քիւրդը կը տեսնէ ֆէդային ու
աչքը կը գոցէ կ'անցնի: Կառավարութիւնը աշիրաթները
կը հրաւիրէ ֆէդայիին դէմ կուէ գալ, անոնք կը մերժեն:
Փոխւած են ժամանակները:

Թիւրք մը կը պատմէր թէ, վերջերս Բաղէշի կու-
սակալը նկատի ունենալով ֆէդայիներու արձակ համար-

ձակ նիստ ու կացը Սասնոյ անյաղթ լեռներու կատարին, կը հեռագրէ Բ. Դուռ և հրաման կը խնդրէ գնալ անոնք ջնջել, այդ նախատիւնը բառնալ օսմանեան հըզօր... կառավարութեան ճակտէն: Դունէն կը հեռագրէ. «Եթէ կրնաք գործը յաջողութեամբ կատարել 24 ժամուէջ, բոլորը ջնջել դեռ լուրը եւրոպայ չհասած՝ յարձակում գործեցէք»: Կուսակալը կը պատասխանէ. «Այ 24 ժամուան և ոչ ալ 24 օրուան մէջ կրնանք յաղթել անոնց»...

ՆԱՄԱԿ ՊԱՅԱԶԷԳԷՆ

5 դեկտեմբեր, 1903

Բասենի դէպքի առաջ բերած իրարանցումը մեծ էր. կառավարութիւնը ամէն կողմ զօրքեր փոխադրեց, համիդէներ զէնքի կանչեց, աչքի ընկնող կենտրոններում զօրքերի թիւը աւելացրեց: Դրա հետ միասին ժողովրդի բոլոր խաւերում տարածեց սարսափ ու բռնութիւն: Հայ տարրը մշտական սպառնալիքի տակ է: Շարունակ թալանում կամ ծեծում են: Կարինից եկող պայազէզցի և ալաշկերտցի բազմաթիւ վաճառական հայեր ծեծ են կերել, գոհ են որ չեն սպանել: Իւլաքիլիսէի վանքի զօրքերի թիւը առաջ 30 էր, այժմ 60-ի չափ է: Նրանք տեղաւորւել են հայերի տներում... 26-ի թողնում, որ գիւղացին իր կամքով իր գործը տեսած՝ տուն վերադառնայ. նրանց հաւաքում են դաշտի միջից՝ դեռ արեւ մար չմտած՝ բերում են ու հաւաքում գիւղում, նրանք ամենեւին չեն կարող շարժւել, զանազան պատճառներ են բերում, ծեծում են, տուգանքի են ենթարկում կամ գիշերները իրենց հետ են վերցնում ման ածելու համար, տալիս են նրանց ծանրութիւններ, որ վերցնեն, գետեր ու ջուրեր շալակած անցկացնեն...

Վանքի զօրքերը վերջերս բռնում են Հարօ անունով մի հայի, որ վանքին մօտիկ Բօզիի գիւղացիներից էր, գիշերը դուրս են տանում գիւղից մի ինչ որ պատճառով, վրձնում են սպանել, ի վերջոյ բաց են թողնում և վերցնում 2 օսմանեան ոսկի, մի հատ գորգ և մի հատ լաւ ոչխար կաշառք: Եւ դրանով մարդը ազատում է: Այժմ նա կառավարութեան է դիմել ու գանգատւել է...

Համիդէներ արդէն հաւաքւում են և հետզհետեւ պիտի ուղարկեն սահմանները պահպանելու համար:

Հասնանցի Քատէհ աղան ձերբակալւած է ինչ որ հայերի հետ յարաբերութիւն ունենալուն համար: Կառավարութիւնը հալածում է նոյնպէս համիդէի գայմագամ Ալի պէյին, որը հէյտարանցի ցեղից է և ապրում է Արձէշի շրջանում. դա էլ որպէս թէ հայերին համակրում է...

Պայազէզի առաջնորդ, միանգամայն Իւլաքիլիսէի վանահայր գեր. Էմանուէլ Ժ. վարդ. Պալեանը, որ գտնւում էր վանքում, կառավարութիւնը խստիւ պահանջեց հեռացնել նրան վանքից, այժմ նա գտնւում է Պայազէզում:

Յապաղայում գաղթական պարսկահայատակ քիւրդերին միւշիւրը (7-րդ բանակի հրամանատար Զէքի փաշան) հրամայել է տեղաւորել երկրի ներսում. դրանք մօտ 800 տան չափ են, որոնք պարսկասահմանը արշտակելէ յետոյ, անցան այս կողմը և ո՛վ գիտէ, թէ գարունը ինչ քար ու քանդ գործի պիտի ձեռնարկեն: Պատրաստւում են առհասարակ ծախի կառավարութիւնը դեռ ևս

զէնք չի տւել. իրենց ունեցածից աւելին չունեն, բայց քիւրդը սովոր է, նա իր համար ուէ զէնք է ձեռք բերում, — առանց դրան չէ կարող ապրել:

ԼՈՒՐԵՐ ԵՐԿՈՒՆՔԻ ԱՇԽԱՐՀԻՑ

Մինչև Բասենի դէպքը թշնամին մտածում էր. «Ինչ կարող են անել Փլահի կաշախները, այդ ստրուկ գետւորները. միթէ նրանք էլ կը համարձակւին վեհափառ փառիշահի զօրքի դէմ ելնել»: Իսկ երբ կոիւր պայթեց, սարսափահար մահափառները միայն կանգում էին. հաւաք հաւարի ետեից. իմաստ, իմաստ (օգնութիւն, օգնութիւն)...

Բասենի դէպքից յետոյ զէնքի կանչեցին համիդէները. ցիրուցան կանոնաւոր զօրքերը կենտրոնացան միջին կէտերում, համիդէները ուղարկեցին աւելի հեռուն, սահմանի մօտերը: Նրանք միայն շրջում են օր-ցօրիկով 20-30 ձիաւորներով, անցորդներին բռնում, հարցաքննում են: Նրանք հանգստանում են հայ գիւղերի մէջ. Իւլաքիլիսէի մօտիկ ճուռան գիւղում մնում են այժմ 25 հոգի և ապրում են գիւղացիների հաշուով. տուն ու տեղ գիւղացին է տալիս, տալիս է և վառելիք, ուտեստ և ըն: Իւլաքիլիսէի վանքի զօրքերի թիւը կրկնապատկեց, առաջ 30 էր, այժմ 60 է: Զօրքերը հսկում են ամենախիստ կերպով. գիւղացիներին զրսից, դաշտերից ներս են բերում արեւը դեռ մայր չմտած. նրանց ենթարկում են խիստ հարցուփորձի՝ առանց հրամանի դրացի գիւղ կամ սահման անցնելու համար: Զօրքը այնքան է կասկածով ապրում, որ ամէն մի փոքր խշշոց կարծել է տալիս նրան, թէ դա հոգեհառ Փէդայիներ են. անցեալները մի դէպք պատահեց ճիշտ Իւլաքիլիսէի վանքում. մէկ գիշեր հերթապահ զօրքերը երեւակայական հայդուկի ոտքի ձայնը լսելով, սկսել էին հրացան պարպել՝ փախաւ, հա՛, փախաւ ասելով—թէ ո՛վ փախաւ չգիտեմ. խեղճերը իրենց շուքից էլ վախենում են... Նոյնպիսի մի ծիծաղաշարժ դէպք պատահել է Կարինի շրջանում, Կարմիր վանքի մօտերը: Բասենի դէպքից յետոյ մի գիշեր այդ շրջանի պահականցի մի զինուորի ձեռքից հրացան է պայթում ու տեղի է տալիս խիստ իրարանցումի. հակառակ կողմի պահականցի զինուորները դուրս են թափւում և Փէդայի՝ պոռայով հրացան են արձակում իրար վրայ խառնւում են իրար և սպանում մէկմէկի. ծիծաղաշարժ ողբերգական մի տեսարան է ներկայանում, երբ լուսանում է... Սպանւողների թիւը 30-ից աւելի է...

ԲԱՍԵՆԻ ԿՈՒԻ ԱՐՁԱՊԱՆՔՆԵՐԸ

(ՆԱՄԱԿ ՎԱՍՊՈՒՐԱՅԱՆԻՑ)

Քիւրդ ու տաճիկ ամէնքն էլ այսօր զբաղւած են հայ յեղափոխականներով, — ի՞նչ են անում նրանք և ի՞նչ պիտի անեն... Օրաւուր սարսափը թանձրանում է ամէն տեղ, օրաւուր յեղափոխականների նոր կոիւնքի մասին են պատմում. Քիւրդը քուն չունի. տաճիկ կառավարութիւնը սուտ հեռագրիւններով մխիթարում է նրան ու ինքն էլ գողալով օր է անցկացնում: Ինչ պիտի անենք, եթէ այդ քեաֆիւները մեր շրջանում էլ երեւան գան

Թող մեզնից հեռու լինեն», ասում են ահաբեկած թիւրք
ու քիւրդ պաշտօնեաները:

Բասենի դէպքը զանազան տեսակ են պատմում. նրա
ազդեցութիւնը մեծ է ամէն տեղ թիւրքերի և քիւրդերի
վրայ: Ասում են որ Դալի-Բաբայի մօտ զոհւել են 36
յեղափոխականներ, իսկ թշնամու կողմից կոտորւածներին
հաշուում են 500-ի չափ: Այնտեղ լռեց, բայց այժմ էլի

զօրոյց կայ, թէ ֆէդայիներ կռիւ են սկսել Մանազկերտի,
Թորթուշի և Ղերջանի շրջաններում: Ուրիշ տեղեր ևս,
ասում են, լիքն են այդ հոգեառներով... Այս բոլոր
զօրոյցները, բերնէ բերան անցնելով՝ սարսափ են ձգել
մահաճառականների վրայ, որոնք առանց այն էլ վերջին
ժամանակներս խիստ ընկճւած են մակեդոնական անց-
քերով...

Կ Ո Չ Ն Ա Կ Ն Ե Ր Ը

Ու ալ անոնք ասկէ յետոյ եղերամայրերու վաշտի մը հանգոյն,
Մեր այրիութեան քաղաքներէն, աւաններէն ու վանքերէն
Այգին ու վերջալոյսին հետ պիտի լա՛ն, պիտի լա՛ն, պիտի լա՛ն
իրենց բռնաբարութիւն կակաչէ ողբերը Աքսորին ու Մահին հորիզոններուն՝
Յուզարկաւորելով մեր Յատաղանքի ու Ընդվզումի նորանոր խուժանները
Դէպի կառափնատներն ու թիարանները ու դէպի դագաղները Փառքի...

Ու ճշմարիտ կ'ըսեմ ձեզի: Անոնք, որ թքնելով Բռնակալի ճակատին
Մտրակներով ու սուխներով ստորերկրեայ սպանդանոցները քշուցան,
Ու Անոնք, որոնք իրենց Չայնին հետ կապարէ հզօր բազուկները բարձրացնելով՝
Բռնաւորի վայրագ ստրուկներէն հողերուն ու ժայռերուն գամուեցան.
Անոնք, երէկի մեր ինքնասիրութեան ու այսօրի մեր Հպարտութեան քանդակագործները հսկայական
Անոնք վաղորդայնի մեր ազատութեան Ատրուշանին անբասիր քուրմերը պիտի դառնան
Բովանդակ Ապառնիներու համար:

Ու երանի՛ Անոնց, որոնք ըմբոստ Մտածումի անձառ եղբայրակցութեամբ
Աքսորավար ճամբաներու վրայ իրենց ներբաններու փոշին,
կաս՝ Ընդհարումներու Հրապարակներուն ու Պողոտաներուն վրայ իրենց արիւնը
Անոնք փոշիին ու Արիւնին պիտի խառնեն:

Կոչնակներուն, Կոչնակներուն, Կոչնակներուն
Ունկնդրենք, ո՞վ Ատելութեան ու Արէժի անձնուրաց զօրակակիրներ,
Ու Տրամութեամբ գինովցած՝
Առաջնորդներ մեր Յաւի, Չայրոյթի ու Մոլուցքի ամբոխները ցուլական
Դէպի Աշտարակներն ու Պատնէշները ու դէպի Պալատները Ոճրագործին,
Մեր իժացած Յուսահատութեան մէջ փոշիացնելու Կոպիտ՝ Ուժին յիշատակները,
Ու մեր գարշապարներուն տակ Բռնաւորին Ուղեղը տրորելու...

Որպէս զի երեկոյ մը խաղաղութեան ու Փառքի ծիածաններուն մէջէն
Մեր կոչնակները միահամուռ ու տիրականօրէն Տիեզերքին
Արդարութիւնը, Արդարութիւնը, Արդարութիւնը փոթորկեն...

Վ Յ Ա Ր Ա Ն Դ Ի

Դ Ր Ո Ւ Թ Ի Ի Ն Ը Կ Ո Վ Կ Ա Ս Ո Ւ Մ

Դեկտեմբերի 22-ին Երևանի շրջանական դատարանը
քննեց հայկական ցոյցերի և բողոքների այն մասը, որ
տեղի էր ունեցել օգոստոսի 22-ին, երբ հազարաւոր
ամբոխը տանելով իր հետ եպիսկոպոս Սիբիրաս Պար-
զեանին Էջմիածին, գիմել էր կաթողկոսին խնդիրքով,
որ նա ժողովրդի գոյքերը չտայ վայրենի ռուս կառա-
վարութեան ձեռքը:

Դատի էին ենթարկւած 27 հոգի, որոնց նկատել
էին իրր ամենավտանգաւոր մարդկանց:

Նրաղց պաշտպանել են բացի հայ փաստաբաններից
նաև և ռուսներու վրացիք՝ Տեսլենկո, Ստալ, Ջապարիձէ

և Անդրօնիկով: 27-ից միայն 12 հոգի են ճանաչւել
մեղաւոր, որոնցից 3 հոգի անչափահաս (21 տարեկանից
պակաս) լինելու պատճառով դատապարտւել են 4 ամսւայ
բանտարկութեան:—

Ռ ու Ր է ն Ը խ մ ե ա ն

Հ մ ա յ ե ա կ Մ ա յ ի լ ե ա ն

Ղ ա զ ա ր Մ ա ն ու կ ե ա ն

Ի ս կ 9 հոգի 8 ամսւայ բանտարկութեան:

Պ ա ր ա պ ե տ Բ է կ ն ա զ ա ր ե ա ն

Վ ա զ ա ր շ ա կ Մ ա հ ա ե ս ի-Յ ա կ ո բ ե ա ն

Հ մ ա յ ե ա կ Գ է ո Ր գ ե ա ն Ս տ ե փ ա ն ե ա ն ց

Մ ի բ ա յ է լ Յ ա կ ո բ ե ա ն Բ ա բ ա ս ե ա ն ց

Հ ա յ Ր ա պ ե տ Ս ա հ ա կ ե ա ն

Գ ե Ղ ա մ Թ ա ր վ ե ր գ ե ա ն

Մ կ ր տ ու մ Գ ի ւ լ խ ա ն դ ա ն ե ա ն

Լ և ո ն Դ ե մ ու ր չ ի օ ղ լ ե ա ն

Յ ա ր ու թ իւ ն Մ ա հ տ ե ս ի-Յ ա ր ու թ իւ ն ե ա ն:

Նոյն դատարանի առաջ կանգնած էր մի յանցաւոր թիւրք. սա մի պարզ գող էր, որ կոտորել էր արկղը և տարել էր մէջը եղած փողը: Ուրիշի փողերը կողոպտող այս գողը դատապարտւեց մի քանի տարւայ տաժանակիր աշխատանքի Սիբիրում: Աւերջին րոպէին, այդ յանցաւորը դիմեց դատարանին հետեւել խօսքերով. «Դուք, ռուս կառավարութեան ներկայացուցիչներդ, որ այդքան խիստ էք պատժում ինձ՝ իմ կատարած գողութեան համար, հետաքրքիր էր, թէ ինչպէս պէտք է պատժէիք ռուս կառավարութեանը, որը այս օրերս, օրը ցերեկով կոտորեց էջմիածնի գանձարանը և կողոպտեց հայերի փողը»...

Յանցաւոր, գռնհիկ թիւրքի այդպիսի վերջաբանին ոչ որ չէր սպասում և ապտակւած կառավարութեան դատարանի ներկայացուցիչները խոր լուռութեամբ տարան այդ վերաւորանքը:

Հ. Ինքնապաշտպանութեան Կ. Կոմիտէն Ղարսի սպանութեան փորձի առիթով ուղղել է մի թուոցիկ նահանգապետներին, պրօկուրօրներին, ռուսաց թերթերին և ներքին գործոց նախարարին. այդտեղ ասւած է.

«Ղարսի պօլիցմէյստէր Խէրխէուլի Է. Է. հետ յունւարի 5-ին պատահած դէպքը մեզ ստիպում է Ձեր ուշադրութիւնը հրաւիրել այն ծայրայեղ լրբութեան վրայ, որին հասել է Ձեր ոստիկանութիւնը: Աւերջինքալ դէպքի մասին Ղարսի ռուս օֆիցէրները այսպէս են պատմում. — մի տան կտուրի վրայ մի քանի երեխաներ խաղալիս են եղել ձիւնի գնդակներով. այդ տան մօտից անցնում է պօլիցմէյստէր Խէրխէուլի Է. Է. գօրօգօլօյի հետ. ձիւնի գնդակներից մէկը դիպչում է պօլիցմէյստէրի երեսին. վերջինը շարժւած, իսկոյն դուրս է հանում տարձանակը և առաջից անցնող մարդու վրայ պարպում է մի քանի անգամ, վերաւորում է պատահական անմեղ անցորդին և անմեղ գօրօգօլօյին ու ձերբակալում այդ ժամանակ փողոցում եղած բոլոր մարդկանց՝ մինչև 40 հոգի: Դուք՝ «կարգի ու կանոնի» ներկայացուցիչներդ, քննեցէք, թէ Ձեր այդպիսի ստորագրեալները որքան են վնասում ընդհանուր խաղաղութեան գործին և շուտով ենթարկեցէք նրան դատի, եթէ ոչ, ինքը ժողովուրդը ստիպւած կը լինի իր ձեռքով կատարել իր դատաստանը»:

Մի ուրիշ թուոցիկ շօշափում է այն հարցը, թէ ի՞նչ պէտք է անել այն դէպքում, երբ ռուս կառավարութիւնը բոլորովին յեղաշրջէ հայ եկեղեցու իրաւունքները և հայոց կաթողիկոսը դառնայ բռնապետութեան մի սոսկ պաշտօնեայ:

«Այն ժողովրդի համար, որ 16 երկար ու ձիգ դարերի ընթացքում ծանաչել է և ծանաչում է միայն իր ներկայացուցիչների ձայներով ընտրւած կաթողիկոսներին, իսկ վերջինները ծանաչել են և ծանաչում են միայն այն հոգեւորականներին, որոնց ընտրել է ամէն մի համայնք ձայների մեծամասնութեամբ՝ իր հոգեւոր պետքերը հոգալու համար, խնդիրը երկու լուծում է չէ կարող ունենալ: Դա հայ համայնքի անհրաժեշտ, անսասան իրաւունքներն են, դա հայ ժողովրդի դարեւոր համոզմունքներն են, ներքին պաշտամունքի աշխարհ է, հայ եկեղեցու ներքին կազմի խնդիր է, դա ընդհանրապէս հայ քրիստոնիսայի խղճի հարց է և եթէ աշխարհիս բոլոր բռնապետներն անգամ հաւաքեն իրենց պետքը հայի դէմ, երբէք չեն կարող ստիպել հային՝ փոխել այն ամէնը, ինչ որ դարերի ընթացքում նրան թելադրել են խիղճն ու խելքը և դարձրել են այնպէս ամուր, ինչպէս մի աղամանդեայ բերրի:

«Եւրօպայի կաւտարական ժողովուրդների մշակած խելքն ու հմտութիւնը նոյն եզրակացութեան են եկել, որին եկել է հայ ժողովուրդը — թէ բնորոշական սկզբունքը և ինքնավարութիւնը ամենայնաւոր և օգտաւէտ սկզբունքներն են, որոնց վրայ պէտք է հիմնւած լինի թէ հոգեւոր և թէ աշխարհական կառավարութեան սխտեմը: Հետեւապէս, ինչ որ էլ լինի, ինչ տեսակ կաթողիկոսներ, եպիսկոպոսներ և քահանաներ նշանակէ ռուս կառավարութիւնը և այդ նշանակւածները դաւաճանօրէն յանդգնութիւն ցոյց տան զանազան հրամաններ արձակելու հայ ժողովրդին, — հայ համայնքը, հայ ժողովուրդը, ռուս բռնապետութեան այդ նշանակւած պնակալէզ հոգեւորականների ոչ մի պատւերը, ոչ մի կարգադրութիւնը, ոչ մի պահանջը, որքան էլ լաւ և օգտաւէտ լինեն նրանք, չպէտք է կատարէ: Եթէ մի քանի անգամ մի քանի տեղ ցոյց տաս ըստ հոշակւած սոկոնալութիւնը, հայ ժողովուրդ, կառավարութիւնը ստիպւած կը լինի զիջել և նրա գծագրած յեղաշրջող օրէնքը կը մնայ լսիկ թղթի վրայ: Նորոգիր յիշողութեանդ մէջ այն հալածանքները և տանջանքները, որ դու կրել ես զանազան բարբարոսներից, յիշիր այն հալածանքները, որ ուրիշ ազգութիւններն են կրել և կրում են հաւատի համար, այն ժամանակ կը համարուես, որ ոչ մի հալածանք չէ կարող ստիպելքեզ՝ համազմունքներդ փոխելու»...

«ՎՐԱՍՏԱՆ»-Ի ԵՒ ԱԶԳԱՅԻՆ ԻՆՔՆԱՎԱՐՈՒԹԵԱՆ ՀԱՐՅԸ ԿՈՎԿԱՍՈՒՄ

(Շարունակութիւն N° 10-ի և վերջ)

Խօսելով ընդհանուր ճնշման դէմ փոքր ազգութիւնների բռնելիք դիրքի մասին, մենք չպէտք է մոռանանք նաև ազգերի փոխադարձ յարաբերութիւնների հարցը:

«Վրաստան»-ի ծրագիրը լինելով բաւարար Ռուսաստանի և Վրաստանի փոխադարձ յարաբերութիւնների տեսակետից, պարունակում է սրբագրութեան կարօտ մի քանի թերութիւններ ներքին վարչական կազմի վերաբերմամբ:

Տերութեան ուժը, գերիշխող մեծամասնութեան քանակը այնքան մեծ է Ռուսաստանում, որ ոչ մի փոքր ազգութիւն, ոչ մի շրջան համարեայ թէ անկարող է մեն մենակ դուրս գալ կուրս ասպարէզ, յաղթանակ տանելու յոռտով: Անխուսափելի անհրաժեշտութիւն է դառնում՝ վերջ դնել փոքրիկ ազգութիւնների մէջ եղած տարաձայնութիւններին և ժշակել մի այնպիսի քաղաքական ծրագիր, որը միջոց տար նրանց գործելու համբաշխօրէն, ձեռք-ձեռքի տւած ազգերի հաւասարութեան պաշտպան ռուս տարրերի հետ:

Թողնում ենք «Վրաստան»-ի առաջարկի այն կողմը, որով առանց շօշափելու Կովկասի յարաբերութիւնը Ռուսաստանի հետ, նա երազում է ձեռք բերել ինքնավարութիւն միմիայն Կովկասի $\frac{1}{4}$ մասի, Վրաստանի համար: Իրենք վրացիք շատ լաւ գիտեն, կարծում ենք, դրա բոլոր դժւարութիւնները, եթէ չ'ասենք աւելին:

Բացի դրանից «Վրաստան»-ի ծրագիրը ներկայացնում է մի քանի շօշափելի թերութիւններ ևս:

Ապագայ վրաց Self government-ի սահմանները որոշելու համար «Վրաստան»-ի խմբագիրները հիմք են ընդունում նախ Հերակլ Բ. 1873-ին Եկատերինա Բ.-ի հետ կապւած դաշնագրութիւնը և Վրաստանի մաս են համարում Հերակլի նախկին հարստութիւնը՝ արդի Թիֆլիսի նահանգը, Գանձակի նահանգի մի բաժնի հետ միասին:

«Միւս կողմից, ասում են նրանք, ինչպիսի պիտի առնել

վրաց ազգաբնակչութեան բաժանումը կողմնակալ և հետևաբար պիտի յիշատակել արևմտեան Վրաստանը (Քուլթայիսի նահանգը), որ խորամանկութեամբ, խաբէութեամբ և բռնի կերպով XIX դարի ընթացքում փոքր առ փոքր միացրած է Ռուսաստանին:

Հետևելով երկու տարբեր սկզբունքների՝ «Վրաստան»-ի խմբագիրները թուլացնում են դրանցից ամէն մէկը կողմնակի կերպով հարածելով՝ մէկով միւսին: Արդարեւ եթէ կանգնել «իրաւաբանական» խախուտ տեսակէտի վրայ, որը «իրաւունք» է տալիս վրացիներին ապագայ Վրաստանի կազմի մէջ մտնել ոչ միայն վրացաբնակ քարթլին ու Կախէթը, այլև հայաբնակ Սոմխէթիան, Զաւախը, հայ-թուրքաբնակ Ղազախ-Շամշատինը — ապա ուրեմն նոյն տրամաբանութեամբ՝ Վրաստանից դուրս պէտք է թողնել Քուլթայիսի նահանգի զանազան շրջանները, որոնք Հերակլի օրերով և դրանից շատ առաջ, դարերի ընթացքում, ապրել են ինքնուրոյն, անկախ քաղաքական կեանքով:

Իսկ եթէ գերադասել աւելի բնական՝ ծագման ու լեզւաբանական հիմքերը, որով չի կարելի Վրաստանի մաս համարել Իմերէթը, Գուրիան, Մինգրէլեան իրենց վրաց ժողովրդի կէսին հաւասար ազգաբնակչութեամբ — այն ժամանակ խօսք չի կարող լինել այն շրջանների մասին, ուր ազգաբնակչութեան ^{9/10} ունի այլ ծագում, այլ կրօն, խօսում է ոչ-վրաց լեզուով, ինչպիսին են Բօրչալի, Ախալքալաքի, Ղազախի գաւառները (պատմական Սոմխէթիան, Զաւախէթը, Ղազախ-Շամշատինը):

Հարցական նշանի տակ են մնում նոյնպէս Աջարիան, Սամցխէն, Սաինգլօն, ուր ծագումով վրացի մահմեդականները «վրացի» խօսքը համարում են վերաւորանք, իրենց նման «ուղղափառ միւսուլմանների» պատի համար:

Անկասկած, լեզուն ու ծագումը ազգութեան գլխաւոր յատկանիշներից են, սակայն նրանք բոլորը չեն, և մի ազգութիւն, մի քաղաքական մարմին կազմելու համար՝ անհրաժեշտ է ի նկատի առնել այդ մարմինը կազմող մասնիկների պատմական անցեալը, բարբառները, ձգտումները, սովորութիւնները, կրօնը, աշխարհագրական բաժանումները — ազգաբնակչութեան ազատ կամքը ու ցանկութիւնը:

Ահա թէ ինչու գլխաւոր է հաստատապէս ասել, որ դարերի ընթացքում քաղաքական ու ինքնուրոյն կեանք վարած և ուրիշ բարբառներով խօսող թուլներին, ալաններին, գուրիացիներին, մինգրէլացիներին ցանկալի կ'լինէր ունենալ կենտրոնական վարչութիւն քարթլի բարբառի և մէկ կաթողիկոսի գերիշխանութեան տակ, ինչպէս այդ առաջարկում են «Վրաստան»-ի խմբագիրները:

Հաշտութեան ծրագիր կազմելիս ի նկատի պէտք է ունենալ այս ամէնը՝ որպէսզի տեղիք չլինի թուրքմահմութիւնների: Եւ գլխաւոր չէ այդ անի: Բաւական է միայն Վրաստանի այլևայլ պատմական, աշխարհագրական շրջանների կազմակերպութեան վերաբերմամբ ընդունել նոյն «դաշնակցական» (föderatif) սկզբունքը, որ «Վրաստանի» խմբագիրները անհրաժեշտ են համարել իրենց հայրենիքի և Ռուսաստանի փոխադարձ յարաբերութիւնների համար:

Ինքնավար Վրաստանը այդ պարագայում կը կազմէր այն մասերից, որոնք ճանաչում են իրենց վրացի և ցանկանում են կազմել մի քաղաքական մարմին: Դաշնակցական կապը Վրաստանի այլևայլ շրջանների մէջ թող

կը տար նրանցից ամէն մէկին ունենալ իր շրջանական վարչութիւնը, պահպանել և զարգացնել իր բարբառը, սովորութիւնները, նոյնիսկ իր յատուկ տեղական օրէնսդրութիւնը:

Նախանձախնդիր իր երկրի, իր ծննդավայրի ինքնավարութեան ու առաջադիմութեանը՝ ամէն մէկը կը յարգէր և հարեանի նոյնանման իրաւունքները: Կողմնակալ կը վերանային վերջապէս անցեալի խառնաշփոթութիւնները, ամէն տեսակ քաղաքական գերիշխանութիւն՝ իր բոլոր բացասական կողմերով: Դժբախտաբար «Վրաստան»-ի խմբագիրները իրենց միտքը չեն հասցնում մինչև շրջանական ազատութեան այս սահմանը: «Մենք — ասում են նրանք — տալիս ենք ամենամեծ նշանակութիւն վրաց լեզուի վերահաստատմանը: Ազգային ժողովը կը յայտարարէ լեզունների հաւասարութիւնը, վրաց լեզուի պարտաւորեցուցիչ լինելը ինքնավար Վրաստանի շրջանում: Ամենուրեք՝ ազգային ժողովում, գաւառական ժողովներում, քաղաքային վարչութիւններում, դատարաններում, վարչական հիմնարկութիւններում, եկեղեցիներում, դպրոցներում, բոլոր հիմնարկութիւններում վրաց լեզուն պիտի յայտարարուի պարտաւորեցուցիչ»... Խոստովանելով սակայն, որ իրենց նախագծած «Վրաստանում» կան հայ և թուրքաբնակ շրջաններ, վրաց թերթը շարունակում է. «Մենք չենք ուզում յայտարարել կոիւ մեր հարեաններին, մենք չենք վիճում նրանց իրաւունքի դէմ՝ ապրել այնտեղ, ուր նրանք ապրում են այսօր: Մենք խոնարհւում ենք փաստի առաջ և ընդունում ենք, որ պէտք է ստեղծել մի *modus vivendi*, որը միջոց տար բոլորիս ապրելու խաղաղ հարեանութեամբ»: Այդ հիմնական պայմանը, նրանց ասելով, պիտի կայանայ նրա մէջ, որ ընդունելով ռուս և վրաց լեզուները պաշտօնական, ռուսաց լեզուն կենտրոնական համառուսական վարչութեան յարաբերութիւնների համար, վրաց լեզուն ներքին Վրաստանի յարաբերութիւնների համար ազգային և գաւառական ժողովներում թող պիտի տրուի գործածել և այլ լեզուներ, որ կը թարգմանին վրացերէնի: Ինչ վերաբերում է խառն ազգաբնակչութիւն ունեցող շրջաններին, «Վրաստան»-ի կարծիքով այդ տեսակ «գաւառը կամ քաղաքը բաժանւած պիտի լինին ազգային շրջանակների և ամէն մի շրջանի բոլոր հիմնարկութիւններում պիտի գործածուի այն լեզուն, որ խօսում է ազգաբնակչութիւնը»:

Բնական և օգտակար կարելի է համարել շրջանական բաժանումներ երկու տարբեր ազգաբնակչութիւն ունեցող հարեան գիւղերի, նոյնիսկ միեւնոյն քաղաքի թաղերի մէջ, եթէ այլևայլ թաղերում բնակչութիւն են հաստատած զանազան ազգեր, ինչպէս օրինակ Շուշի, Երևան: Բայց ինչ դրութիւն կը ստեղծուի վրացիների առաջարկած բաժանումով, օրինակ, ուէ Թիֆլիս կամ Բաթում, ուր այլևայլ ազգութիւնների անդամները ապրում են միմեանց կից, միեւնոյն փողոցի վրայ: 70⁰/₀ հայ ազգաբնակչութիւն ունեցող Թիֆլիսի Հաւաքար թաղը դպրոցների, դատարանների և այլ հիմնարկութիւնների միջոցով ճնշելու և հայացնելու է Հաւաքարի մնացած 30⁰/₀ ռուս և վրացիներին, իսկ վրացախօս Մթածմինդայում նոյնը անելու են և վրացիները հայերի և ռուսների վերաբերմամբ:

Կասկածելի է որ «Վրաստան»-ի այդ առաջարկը աւելի գործնական և արգարացի լինէր Թիֆլիսի քաղաքային վարչութեան նախկին ձգտումից և նոյնիսկ

փորձէր ունենալ դպրոցներ, դասատուութիւն և այլ հիմնարկութիւններ հաւասարապէս երեք տարածւած լեզուներով: Կասկածելի է որ դրանից շատ աւելի նպատակայարմար չլինէր Յաճկաստանի քաղաքներում գոյութիւն ունեցող դրութիւնը, ուր տաճիկ, հայ, յոյն, հրէայ և այլ ազգութիւնների պատկանող տարրերը, ապրելով խառը միմեանց հետ, ունեն տարբեր ազգային-համայնական վարչութիւններ, որոնք հոգում են իրենց ազգային, կրօնական, կրթական, բարեգործական և նոյնիսկ սանիտարական ու դատաստանական պէտքերը, վերապահելով ընդհանուր խառը վարչութեանը՝ միայն մի քանի պաշտօններ:

Պովկասի, կամ մասնաւորապէս վրաստանի նման երկրների համար, ուր ամենափոքր տարածութեան վրայ ապրում են տարբեր ծագումի, տարբեր լեզու ու բարբառի, տարբեր սովորութիւնների, տարբեր պատմական անցեալի ու ձգտումների մարդկանց համախմբումներ, խոյս պիտի ապաւանտեմք տեսակ կենտրոնացումից, գերիշխանութեան ամենափոքրիկ նշույլից անգամ:

Ամենալայն ապակենտրոնացում բոլոր ազգային, կրօնական, կենցաղավարական շրջանների համար, կատարեալ հաւասարութիւն կրօնի, լեզուի, սովորութիւնների գործածութեան նկատմամբ խառը շրջաններում ու համայնքներում և ազատութիւն ամեն տեսակ համախմբումների համար. ահա այն դրութիւնը—որը խօսելով «վրաստան»ի բառերով—միայն կարող է հիմնւած համարւել արդարութեան սկզբունքի վրայ, որը միայն կըստեղծէ համերաշխութիւն և խաղաղութիւն մեր և մեր հարեանների մէջ, և որը միայն կը վերացնէ փոխադարձ ճնշման կարելիութիւնը:

Մենք հիմք ունինք կարծելու, որ ռուս գերիշխանութեան դէմ բողոքող ազատասէր վրացիները կը մերժեն գերիշխանութեան սկզբունքը առհասարակ և տալով իրենց ծրագրին իսկական դաշնակցական գոյն, կը դիմեն իրենց ազգային իրաւունքների պաշտպանութեան, կը դիմեն դրան ոչ թէ միայն բաւականանալով պրօպագանդով այլև կազմակերպելով լուրջ մարմին, որը հետևողականօրէն ձգտէր վրաց ժողովրդի ինքնապաշտպանութեան ու վերածնութեան:

Հեշտ չէ հարկաւ, դրա իրագործումը — և կայ արդեօք ուէ լուրջ հասարակական խնդիր, որի լուծումը հեշտ չլինէր: Էականը նրանում է՝ որ առաջ եկող հասարակական բարդ խնդիրներից ամենահեշտը և ամենանպատակայարմարը այն է, որը դարձան հանդիսանալով բացւած վերքերին, հիմնւած է արդարութեան, մարդկային հաւասարութեան պահանջների վրայ, իսկ այդպիսիների կարգին է պատկանում ամեն մի ազգի կատարեալ ինքնավարութեան հարցը:

Չպէտք է տատանւել բռնակալութեան ու գերիշխանութեան վրայ հաստատւած դրութիւնները անվերջ չեն և վաղ թէ ուշ պիտի խոնարհւեն հաւասարութեան ու արդարութեան պահանջների առաջ:

Փոքր ազգերը, որքան էլ պակաս լինեն իրենց թուով, կը տանեն յաղթանակ, եթէ ոչ ուղղակի կերպով ու փիզիքապէս, գոնէ բարոյապէս՝ իրենց լեզուի, իրենց ազգային լաւագոյն առանձնատկութիւնների, ազգային ստեղծագործութեան պաշտպանութեամբ ու զարգացմամբ:


Բացի այն սէրը, որ զգում ենք մենք, բոլոր ճնշւածներս, դէպի մեր կեղծեւած մայր երկրի, դէպի մեր բռնաբարւած

ժողովրդի իրաւունքները, մեր կողմն են արդարութեան և հաւասարութեան պաշտպան՝ օրէցօր զարգացող առաջադէմ կուսակցութիւնները, մեր կողմն են գիտութեան ու հասարակական կեանքի զարգացման օրէնքները:

Կ Ե Ն Ս Ա Գ Ր Ա Կ Ա Ն

ԱՌԵՏԻՍ ՄԱՂԱՔԵԱՆ

(Ա.Վ.Ս.)



1858-1903

Ավոյի լիակատար կենսագրութիւնը ընելու համար պէտք պիտի ըլլար Դաշնակցութեան Պօլսի գործունէութիւնը պատմել առաջի օրերէն մինչև 1897 թւականը: Չմտնելու համար այս մանրամասնութիւններու մէջ՝ պիտի բաւականանանք յիշելով միայն Ավոյի գործունէութեան գլխաւոր գծերը, և ցոյց տալով իր դերը այն աշխատութիւններուն մէջ, որոնք Պօլսի Օթոմանի ցոյցին յանգեցան:

Խարբերդի Հիւսէնիկ գիւղէն էր Ավօն, պատանեկութեան օրերէն Պօլսի անցած ու այնտեղ ալ հաստատուած: Երբ Հ. Յ. Դաշնակցութիւնը դեռ նոր ոտք կոխած էր Պօլսի և դաշնակցական գործիչները զգուշացնելու ներքին կը հանդիպէին իրենց ամեն մէկ քայլին, եգիպտացի ծանօթանալով Ավոյի հետ և տեսնելով անոր մէջ բոլոր այն յատկութիւնները, որոնք պոսական միջավայրի մէջ գործող յեղափոխականի համար անհրաժեշտութիւններ էին, մտերմական յարաբերութիւն հաստատեց անոր հետ և քիչ ժամանակէն Ավօն իր վարպետի ձեռքին տակ առաջնակարգ ուժ մը դարձաւ:

Ավօն իր ամբողջ ուժովը հրապարակ եկաւ այն ժամանակ, երբ Պօլսի Կեդրոնական Կոմիտէն ուղարկեց պատրաստելու որոշումը տալու Այդ դժուարային գործիքներու պատրաստութիւնը Ավօնէն աւելի կարող ու ձեռնհաս ընկերի մը չէր կրնար յանձնուիլ և Ավօն վստահ իր

ուժերուն վրայ, առանց վարանումի ստանձնեց այդ ահա-
գին, պատասխանատու գործը: Հուսով գտաւ իր ձեռքին
տակ գտնւած խմբերու մէջ այն արհեստաւորները, որոնք
պիտի կարողանային Կեդրոնական Կոմիտէի պահանջած
ռումբերը ձուլել. գաղտնի աշխատանոց մը պատրաս-
տեց անոնց համար, գնեց պէտք եղած բոլոր գործիք-
ները և աշխատանոցի մէջ կեանքը սկսաւ, ռումբերը
կը ձուլէին: Ամբողջ քառասուն օր չի հեռացաւ Ալօն
աշխատանոցէն, հսկեց տղայոց վրայ և իր ձեռք առած
ամենախիստ միջոցներուն շնորհիւն էր, որ ոստիկա-
նութիւնը երբեք չի կրցաւ հոտ մը առնել Պօլսի այդ
յեղափոխական աշխատանոցէն:

Մէկ կողմէն ռումբերը կը պատրաստէին և միւս կողմէն
Ալօն զանոնք կը փոխադրէր ապահով տեղեր, սպասելով
Կեդր. Կոմիտէի հրահանգին՝ ցրելու համար Պօլսի զա-
նազան վայրերը: Հասաւ ժամանակը և Ալօն իր զակին
Արմենակի հետ միջինի պէս փոխադրեց ռումբերը ու
դրաւ զանոնք ենթակոմիտէներու տրամադրութեան տակ:
Պատրաստութիւնները երբ լրացան, Կեդրոնական Կոմիտէն
որոշեց Պանքի ցոյցը, և Սկիւտարի հայաշատ թաղին
պաշտպանութեան գործը յանձնեցաւ Ալօյին, անոր
տրամադրութեան տակ գրելով 60 ռումբ և 55 ատրի-
ճանակ: Ալօն անմիջապէս կը հաւաքէ իր ընկերները,
խմբի անդամները, խորհրդակցութիւն կը կատարէ անոնց
հետ ու թաղին ինքնապաշտպանութեան ծրագիրը կը
մշակէ. կը նշանակէին այն հինգ վայրերը, որոնք պիտի
գրավէին դաշնակցականներու կողմէ՝ պաշտպանելու
համար հայ ազգաբնակչութիւնը յարձակումներէ:

Օգոստոս 14-ին, առաւօտ կանուխ, Ալօն կը բաժնւի
իր ընտանիքէն, զաւակներէն ու կը մեկնի դէպի այն
դիրքը, որ իրեն համար որոշուած էր մէկ քանի ընկեր-
ներու հետ: Կ'անցնին մէկ քանի ժամեր, Պանքը կը գրավւի,
լուրը կը հասնի Սկիւտար. սարսափը կը տարածուի ամէն
կողմ. բայց ինչ որ պատահած էր ուրիշ հայաշատ թա-
ղերու՝ Խաս-գիւղի, Գասըմ-փաշայի, Ղալաթիոյ մէջ չի
պատահիր Իւսկիւտարի մէջ. կոտորած տեղի չ'ունենար
այդտեղ և Ալօն իր ընկերներու հետ երեք օր որոշուած
դիրքի մէջ մնալէ ետքը, կը ցրւին՝ նախապէս ապահով
տեղեր պահելով իրենց յանձնուած զէնքերը:

Գործին յաջորդող ոստիկանական խստութիւններու,
խուզարկութիւններու ու ձերբակալութիւններու միջոցին
Ալօյի դերը կը հասկցուի ոստիկանութեան կողմէ. խստիւ
կըսկսին փնտրել զինքը. ընկերները իմանալով խորհուրդ
կուտան իրեն որ անմիջապէս հեռանայ Պօլսէն, բայց
ինքը կը մերժէ, որովհետեւ կատարելիք կարեւոր գործերու
առջև իր անձնական ապահովութեան հարցը չէր կրնար
հետաքրքրել զինքը, ցրուած զէնքերը պէտք էր հանւէին
ու ինքը իրաւ ապահովութիւն կը բաւականանայ միայն
թաղէն հեռանալով: Ամբողջ քսան օր Սկիւտարը տակն
ու վրայ կ'ընէ ոստիկանութիւնը ու վերջապէս կ'իմանայ
իր բնակարանը, որ Գասըմ-գիւղ կը գտնուէր. յանկարծ
2 քօփսէր, 5 ոստիկան ու 25 զինուոր կը պաշարեն
տունը: Ալօն զէնքով կ'ուզէ դիմադրել, բայց անեցիններու
խնդրանքին ու անոնց անձի ապահովութեանը համար,
վերջապէս անձնատուր կ'ըլլայ Կրսկուի ծեծը, տանջանքը.
ոստիկանութեան տնօրէնը՝ Հիւսնի պէյ՝ ինքը անձամբ
կը հարցաքննէ Ալօն. յանցանքը շատ մեծ էր, մանաւանդ
որ իրմէ առաջ ձերբակալուածները իր վրայ նետած էին
ամէն պատասխանատուութիւն. ամբողջ 35 օր զնդանը

կը մնայ, բայց ոչ մէկ տանջանքի, ոչ մէկ զոհանքի տակ
կամբի ուժը չի խորտակիր, ոչինչ չի խոստովանիր, բայց
և այնպէս Արտակարգ ատեանը, որ կազմուած էր յատ-
կապէս Պանքի ցոյցի առթիւ ձերբակալուածներու համար,
կը դատապարտէ զինքը տասնհինգ տարւան բերդար-
գելութեան, ու իր կինը, որ միասին ձերբակալուած էր,
եօթը տարւան: Կ'անցնին մէկ քանի օրեր ու Ալօն ալ
միւս բանտարկեալներու հետ՝ օգտուելով սուլթանի
հրամայած ընդհանուր ներումէն՝ կ'ազատի բանտէն:

Բանտէն ելլելուն՝ Ալօն նորէն կը գտնէ իր ընկեր-
ները, որովհետեւ ոչինչ չէր կորսնցուցած իր հաւատքէ-
ն ու եռանդէն ու կըսկսի գործունէութեան. հիներէն շան
տերը սպաննւած, ուրիշներ արտասահման անցած էին,
պէտք էր նոր ուժ պատրաստել և ան ալ այնպիսի
ժամանակ մը, երբ ոստիկանութիւնը՝ ծանօթ շատ մը
գաղանիքներու՝ սոսկալի խստութիւններ կը գործադրէր.
պաշարումի դրութիւն մը ստեղծուած էր, և յեղափոխա-
կանները իրենց ամէն մէկ քայլին ահագին գէւարու-
թիւններու կը բաղկէին: Կեդր. Կոմիտէն հակառակ Ալօյի
բազմանքին, չի համարձակիր վտանգաւոր գործեր յանձնել
անոր, քանի որ անգամ մը կասկածուած՝ ոստիկանու-
թիւնը միշտ հսկողութիւն պիտի ընէր իր վրան:

97-ի ցոյցին նախապատրաստական աշխատութիւն-
ներուն մէջ ալ ունեցաւ Ալօն իր կարեւոր բաժինը և
երբ որոշուած օրը մօտեցաւ, Կեդր. Կոմիտէի հրահան-
գով Ալօն ձգեց Պօլսը, քանի որ իր ձերբակալութիւնը
անխուսափելի կ'երևար բոլորին համար ալ: Անցաւ եգիպ-
տոս և այդ երկրին մէջ ընտանեկան մեծ դժբախտու-
թիւններ իրար ետեւէ ամենադառն տանջանքներու են-
թարկեցին զինքը. երեք զաւակներու մահէն դառնացած՝
ձգեց փարաւոններու երկիրը ու բռնեց Ամերիկայի ճամ-
բան, ուր հասաւ յոգնած, ջարդուած դրութեան մէջ: Ութը
ամսուան կեանքը, զոր հոն անցուց Ալօն, շատ ծանր էր
իրեն համար. չի կրցաւ դիմանալ բարոյական ու նիւթա-
կան տանջանքներուն և դարձաւ թոքախտաւոր մը: Ըն-
կերները այդ վիճակէն ազդուած՝ զինքը նորէն զոհեցին
եգիպտոս, այն յուսով թերեւս, որ այդ երկրի կլիման
զինքը պիտի փրկէր. բայց արդէն բոլորովին սպառած
էր խեղճը, օրհասը մօտեցած էր: Ալօն երկու ամսուան
կեանք ունեցաւ Ալէքսանդրիա ու իր աչքերը փակեց
հիւանդանոցի խցիկին մէջ, հեռու իր հայրենիքէն, իր
ընտանիքէն, չի հասած իր մուրազին:

Ալէքսանդրիոյ հայկական գերեզմանատան մէջ, եգիպ-
տացիի շիրիմին քովերը, գերեզմանաքար մը՝ նւիրուած
հայրենիքի անձնէր զինւորի յիշատակին՝ ցոյց կուտայ
այն տեղը, ուր Ալօն իր վերջին քունը կը քնանայ: Իր
յիշատակը պիտի մնայ սակայն իր ընկերներու սրտին
մէջ և իր անունը՝ մատարկաբար պիտի ըլլայ անխոնջ,
հաւատացող ու անձնազոհ գործիչի:

Մ Ո Ռ Յ Ի Ա Մ Ը Ն Կ Ե Ր Մ Ը

«ԱԶՐԱՅԷԼ» — ՍԻՍՈՆ

Հինգ ամբողջ տարի է անցեր, ինչ Դատուան գիւղի
մէջ զէնք ի ձեռին ինկաւ քաջը:

24-իտեմ ճիշդ ինչ պատճառներով, բայց հաւանօրէն
աղէտներու շուտափոյթ իրար յաջորդումին համար և

գիտակից ընկերներու միառմի մարտիրոսանալովը, մոռացութեան մէկ անկիւնը մնաց Սիմօն, ոչ ոք չգրեց, չծանօթացուց Աղբայէլին, այն ա՛հ ու սարսափին, որմէ կը դողար Բաղէշը:

Քիչ ու կարճ ծանօթացայ իր հետ. սակայն խղճի պարտք կը համարիմ գէթ այդ քիչը գրել:

Նա ծնած էր, չգիտեմ ճիշտ որ թուականին—անգիր մարդու տղայ էր—Մօսկան գաւառի Քաշախ գիւղին մէջ: Դեռ շատ փոքր հասակին, նա իր հօր Ղուկասի հետ կը գաղթէ Բաղէշ, ուր հայրը ընտանիքի ապրուստը հոգալու համար ջաղացպանութեան կը ձեռնարկէ. իսկ Սիմօնը թաղին տղոց հետ կը յաճախէ թաղին դպրոցը:

Աղքատութիւնը չթողատրեց Ղուկասին՝ որդուն երկար պահել դպրոցին մէջ հազիւ կրցած էր պարզ կարգաւ սորվել՝ «դարբինի աշակերտ» ըրաւ զայն:

Կէ՛ծ ու կրակ Սիմօնին համար շատ լաւ էր դարբնի արհեստը: Նրա մոտեցնելի լեռնական արիւնը դարբնի փուռին առջև ալ աւելի եփ կուգար:

Բաղէշը ծանօթ է իր բնակիչների կծծիութեամբը, դրամն է որ կը թագաւորէ հոն: Գրամի կծծիներու մէջէն շատ դժուար է ազգային զգացումի դուրս պոռթկումը, մանաւանդ որ ան նիւթական զոհողութիւն ալ պիտի պահանջէր բաղէշի հայէն, որ իրենց բացատրութեամբ «հօգին դե՛հ մըն է, տաս փարան դե՛հ մը»:

Ահա այսպիսի միջավայրի մէջ էր որ դուրս կուգար յեղափոխական Սիմօնը: Դեռ 90 թուականէն, երբ հայկական շարժումը իր մանուկ վիճակի մէջ էր, երիտասարդ Սիմօնը պարզ սուրհանդակի դեր կը կատարէր: Նա այս ու այն պատրուակի ներքեւ կը թողուր դարբնի փուռը ու նամակներ առած կը վազէր դէպի Բաղէշ: Պէտք էր ըսել իր վարպետը գիւղերը խանութ բացած էր: Նա սուրհանդակ էր և պրօպագանդիստ: Նրա մեղմ խօսակցութիւնը համոզիչ էր և դիւթիչ: Իր ճշգրտատում լեզուն և լուրջ եզրակացութիւնները՝ յեղափոխական շարժման մասին՝ անոր քայլերու, անոր ապագայ յաղթանակին մեծ յոյս կը ներշնչէին. այն աստիճան որ, անտարբեր Բաղէշն անգամ շարժելի սկսեց:

Սուրհանդակի պաշտօնը շատ չնչին էր Սիմօնի կուռղ բնաւորութեան համար: Մէկ կողմէն իր վարպետի հետ ունեցած ընդհարումները, միւս կողմէն յեղափոխութիւնը զինւած, գործնական վիճակի մէջ տեսնելու բաղձանքը, ինչպէս նաեւ հեռաւոր ընկերներու հետ ծանօթանալու տենչը, զինք քաշեցին տարան Կովկաս:

Հատ առեն չ'անցաւ ու օր մը բաղէշին լսեց թէ, Սերոբ-Աղբիւրի հետ Սիմօնը վերադարձած էր զէնք ի ձեռին: «Հայրենիքի տանջող սէրը» զինք ձգած էր դէպի «Ցառապանքի աշխարհը»: Կռիւ կ'ուզէր ան և զէնք ի ձեռին նետւեցաւ կռիւի դաշտը:

Ու այդ օրէն անբաժան ընկերն էր անմահ Սերոբին, ինքն ալ անմահ մը: Կարճ ժամանակի մը մէջ այնպէս կազմակերպեց Բաղէշը, կէս մը վախի, կէս մը համոզումի տակ, որ ամենագործօն վայրերէն մէկը դարձաւ:

Բաղէշի գաղան քիւրդ-թիւրքերու ա՛հ ու սարսափը կարծես բնաւ նշանակութիւն չուէր անոր համար: Ազատ համարձակ ելումուտ կը գործէր Բաղէշը: Յեղափոխութեան անմատչելի վայրը Սիմօնի օրով «ընդի ճամբայ» դարձաւ:

Կտրիճ էր Սիմօն, անվախ, յանդուգն, բառիս լայն իմաստովը: Նա չգիտէր ինչ է վախը: Իր անուս վիճա-

կին մէջ, կաւաւարող ուժ էր ան: Կը սիրէր բոլորէն, կը պաշտէր: Միայն Բաղէշի ունեւոր դասակարգն էր, որ իր դրամը Աղբայէլէն աւելի կը պաշտէր, ու իր այդ նիւթապաշտութեանը ուզեց զոհել ազատութեան պատգամախօսին:

Հարուստները, դրամի այդ տղուկները, կը մտածէն դաւադրել. կը կանչեն Սիմօնը, կը խօստանան դրամ հանգանակել մէջերնին և ժողովուրդը զինել Սիմօնի սրտին ամենամօտ մի միտք: Ու Սիմօնը բերկրութեամբ կ'ուզէ հասկնալ թէ ինչ կը պահանջէին իրմէ:

«Չէնք, կը պատասխանեն կեղծաւորները, պէտք է Պարսկաստան գնաս և մեզի զէնք բերես. մենք հեռագրով դրամ կը հասցնենք»:

Աղբիւրի խորհրդակցութեամբը նա կը մեկնի դէպի Պարսկաստան, բայց փոխանակ դրամի, անվերջ գանդատներ, բողբոջող նամակներ կը հասնէին Սիմօնի ետեւէն, որոնք նոյնիսկ կը թելադրէին վերջացնել այդ «աւելի» դէկն»: Սակայն Սիմօնը կը յաջողի համոզել ընկերները, որ քննիչ մը ուղարկեն ու Գուրգէնի հետ կը վերադառնայ երկիր: Թշնամիները կը պապանձին. Սիմօն աւելի եռանդով կը գործէ: Նա կը գառնայ Գուրգէնի և Աղբիւրի աջ թիկունքը: Իսկ բաղէշիներու համար հոգեառ հրեշտակ-աղբայէր:

Հայու պահապան հրեշտակը, յեղափոխութեան մարմնացումը, իսկ վատերու հոգեառը, ոչ մի արգելքի չի հանդիպեցաւ իր ամբողջ գործնէութեան մէջ, ոչ մի խոչընդոտ չէր արգելել զինք գործելը: Ընկերական որոշում մը—ու ամեն բան վերջացած էր. նա կը թռչէր, թէկուզ կրակի կամ ջուրի մէջէն անցնէր իր ճամբան: Քաջը քաջութեամբ ալ մեռաւ, բայց ափսոս որ մատնութեամբ մը:

1898 թուականին, վարդապետի կիրակին, Աղբայէլը, Աշոտ, Նափօն և Բարսեղ կ'իջնէին Գատուան գիւղը՝ Վատ օրեր եին: Հէքքէզ Ալի բէկը ամբողջ Ախլաթի գիւղերը քարուքանդ ըրած էր: Խուզարկութիւն կար, քաջերը կը փնտռէին. իսկ խաղաղ ժողովուրդը կը տանջէին:

Ալի բէկ իր անգթութիւնները ծայր աստիճանին հասուցած էր: Բողբոջները խճողւած էին կաւաւարութեան դուռը: Խօսք կար թէ Ալի բէկը պիտի աքսորւի, արդէն կանչւած էր Բաղէշ: Իր յանցանքն էր, թէ խլտութեամբ վարւած էր խաղաղ ժողովուրդի հետ, սակայն կարող եղած չէր «խառնակիչներու» հետքն անգամ գտնել: Աւերջին փորձ մըն էր որ կ'ընէր Ալին, գէթ ինքզինքը փրկելու: Ու բախտը ժպտեցաւ Ալիին: Նոյն վարդապետի կիրակին Ալի կ'իջնէ Գատուան: Աշոտի կինը իր հագուստ կապուստովը կասկած կը յարուցանէ Ալիի մէջ, թէ Աշոտը գիւղի մէջն է: Մի քիչ չարաբանք կնոջ—և նա յանձն կ'առնէ քաջերու բոյնը ցոյց տալը:

«Աշոտ, դուրս արի, զիս ազատէ», կը կանչէ մի կանացի ձայն, մարագի դռան առջև: Դժնկ, դժնկ կ'որոտան երկու հրացաններ՝ մին կնոջ համար, միւսն անոր հետ եղող զապթիայի: Զապթիան կ'իյնայ, իսկ կինը կ'ազատի: Քիչ ետք կռիւը կ'սկսի արեւամտին:

Աշոտ չ'ուզէր դուրս գալ «կը կուլիմ մեռնելու աստիճան, թող չ'ապրիմ, որ ըսեն կինդ մատնիչ է»: Ու իրօք Աշոտը կ'իյնայ: Գիշերային Նադօն և Բարսեղը կը ծակեն մարագի պատը, բայց իզուր կ'աղաչեն Սիմօնին մեկնիլ իրենց հետ: «Աստուծոյն պիտի ըլլայ ընկերոջ գիտիկը հոս թողուլ, առանց վրէժի: Մէկտեղ ապրեցանք,

մեկտեղ ալ պէտք է մեռնինք», կը պատասխանէ Ազ-
րայէլը ընկերներուն: Այդ որոշումին վրայ ալ հաստատ
կը մնայ: Նազօն ու Բարսեղը կը մեկնին. Բարսեղը ճա-
նապարհին կ'իյնայ: Նազօն անոր ալ զէնքը կը վերցնէ
կ'անցնի: Իսկ Ազրայէլը քաջաբար միայնակ կը կու-
մինչև արեւագին, երբ մարագը կը վառեն վրան ու
չգիտցիր՝ գնդակով թէ հեղձամահ կ'իյնայ քաջը:

Այսպիսի իր յիշատակը:

Փառք իր յիշատակին:

ՔԱՂԱՔԱԿԱՆ ՏԵՍՈՒԹԻՒՆ

ՄԵՐՉԱԻՈՐ ԱՐԵՒԵԼՔՈՒՄ

«Հաստ դժուար է, գրեթէ անհա-
րին է ռեֆորմներ մտցնել Թիւրքիայի
մէջ խաղաղ ծանապարհով... Ի՞նչ
կարող է բերել ապագան — ոչ ոք
չը գիտէ»:

Այս տխուր ու նշանակալից յայտարարութիւնն է
անում Վիեննայի «Fremdenblatt»-ը, կոսմ Գոլուխովսկու
օրգանը:

Օր աւուր կարծէք, հաստատում է, որ ծայրագոյն
Արեւելքի անցքերը պիտի ունենան ուժեղ հակահարած
մերձաւոր Արեւելքում. հնարաւոր է թուում, որ մակե-
դոնական խնդիրը, Տաճկաստանն ալեկոծող բոլոր խն-
դիրները հանդէս գան շուտով աւելի կոճկոտում և ա-
ւելի հրամայական կերպարանքով — և այդ այն պատ-
ճառով, որ Տաճկական Արեւելքի վրայ վաղուց ի վեր
ծանրացած՝ բռնապետական Իրաւարարը, Ռուսաստանը,
ներկայումս արդէն ոտից գլուխ խրւած մի արհաւիրաց
պատերազմի մէջ՝ հազիւ թէ կարողանայ գործօն դեր
խաղալ և. Պոլսում:

Անգլիան, ցարիզմի դարաւոր ակոյեանը, թւում է թէ
այլ ևս հակաւ է վերստանձնել իր վաղեմի, կորցրած
դերը, Բոսֆորի ափերում: Նա սաստիկ զբաղւած է Տի-
բետում և Բալկաններում... Նա, ինչպէս հաստատում են,
յորդոր է կարգում ռուսաց խնամակալութիւնից ազատ-
ւած Աւստրիային՝ կորովի կերպով միջամտել մակեդո-
նական խնդրում, մի բան, որ անհրաժեշտաբար կը բաշէ
իրար ետեւից Իտալիային, Ֆրանսիային և Անգլիային...
Արեւելեան հարցը կը մտնէ այդպիսով մի բոլորովին
նոր շրջանի մէջ:

Մինչ այս մինչ այն՝ ալբանացիները ահա արդէն
հրապարակ եկան տասնեակ հազարներով և տեղի են
ունենում արիւնահեղ ճակատամարտեր նրանց և Թիւր-
քերի մէջ: Մի նոր փոթորիկ Բալկանների վրայ: Ինչո՞ւ
են շարժւում ալբանացիները — արդեօք նրա՞ համար, որ
իրենց իրաւունքները, սովորութիւնները բռնաբարւած
են գտնում Մակեդոնիայի համար սահմանւած ռեֆորմ-
ների ծրագրով, թէ՞ գուցէ հէնց հպատակում են
նըլղըզ-բոսնից եկած մի նենգաւոր հրահանգի...

Յամենայն դէպս այդ վայրենի և արիւնարբու ցե-
ղերը իրենց մշտնջենական սպառնալիքներով ու շար-
ժումներով սկզբից ի վեր մեծ դեր են խաղացել մակեդո-
նական ճգնաժամի զարգացման մէջ: Ինչ էլ լինի ալբա-
նական խռովութիւնների պատճառը, եթէ նրանք ընդար-
ձակին և ուժեղանան, կարող են մի նոր բարդութիւն

առաջացնել. քանի որ ալբանական հարցը ունի որոշ չա-
փով և միջազգային նշանակութիւն. — նա շահագրգռում
է մասնաւորապէս Իտալիային, որը միշտ սիրով հիւըն-
կալում է ալբանացի յեղափոխականներին և մտադիր է
մի օր գրաւել նրանց երկիրը:

Ալբանների ապստամբութիւնը մի պատրւակ կը լինի
Թիւրքիայի համար՝ նոր-նոր զօրքեր բերել Ասիայից և
կենարօնացնել թշուառ, քարուքանդ Մակեդոնիայի մէջ, որ
առանց այն էլ հեծում է սուլթանական զօրքերի շա-
հատակութիւններից...

Մակեդոնիան հեռու է խաղաղւելուց և իրագեկ մար-
դիկ համոզւած են, որ նա պիտի խաղաղի միմիայն
արիւնահեղ մի պատերազմի գնով: Գրութիւնը մերձա-
ւոր Արեւելքում օրէցօր սպառնալից այժմեութիւն է
ստանում, և չնայած պաշտօնական հանդիսաւոր ծանու-
ցումներին, չնայած Ռուսաստանի գործ դրած ճնշման՝
թէ Սօֆիայի և թէ և. Պոլսի մէջ այն զգացումն է իշ-
խում, որ ընդհարումը անխուսափելի է Տաճկաստանի և
Բուլղարիայի միջև: Աւստի և երկու կողմից պատրաս-
տութիւններ են տեսնուում: Ստոյգ աղբիւրներից տեղե-
կացնում են, որ Թիւրք պատերազմասէր շրջանները
խոր հաճոյք զգացին, առնելով ռուս-եռապօնական ընդ-
հարումի լուրը և մանաւանդ լսելով Ռուսիայի պար-
տութիւնները...

Հարց է ծագում՝ արդեօք ռուս-աւստրիական հռչա-
կաւոր համաձայնութիւնը պիտի կարողանայ այժմեան
պայմաններում ազդու կերպով ձեռք առնել Բալկան-
ների խաղաղացման գործը և այդպիսով առաջն առնել
նոր հրդեհների... Թւում է թէ ոչ: Եւ այն ժամա-
նակ հրամայական անհրաժեշտութիւն է դառնում բեր-
լինի դաշնագիրը ստորագրող պետութիւնների հաւա-
ք ա կ ա ն մի ջ ա մ տ ու թ իւ ն ը:

Սակայն «անհրաժեշտութիւնը» և «հնարաւորութիւ-
նը» դեռ դժբախտաբար հեռու են իրարից, և մենք ըս-
տիպաւ ենք կրկնել «Fremdenblatt»-ի խօսքը. «Ի՞նչ
կարող է բերել ապագան — ոչ ոք չը գիտէ»:

ՄԱՄՈՒԼԻ ՏԵՍՈՒԹԻՒՆ

* * *

Ռուս-եռապօնական պատերազմը, ինչպէս և սպասելի
էր, յուզեց շովինիստների կրքերը Ֆրանսիայում: Յետա-
դէմ և օպպորտունիստ-հանրապետական մամուլը, որին
գլուխ է կանգնած համաշխարհային Тѳѳѳѳ լրագիրը, իր
սովորական քծնող հաճոյականութեամբ, խոնարհ հպա-
տակին յատուկ եռանդով՝ մաղթանքներ է ուղղում
սպիտակ ցարին և յիրաւի կամ յանիրաւի պաշտպանում է
Ռուսաստանին Եռապօնիայի դէմ: Մեր խօսքը «Տան» թերթի
քաղաքական առաջնորդ ողն երի մասին չէ — որոնք,
ինչպէս այդ նկատած կ'լինի ուշագիր ընթերցողը — յաճախ
կազմում են մի տարօրինակ աններդաշնակութիւն թերթի
ամբողջութեան հետ, որովհետեւ խմբագրւում են Ֆրան-
սիս դը Պրէսանսէի ձեռքով:

«Ալլիանս»-ի կոյր սիրահարներին ամէն բան ներելի
է. յանուն այդ «Ալլիանս»-ի (Ֆրանկո-ռուս դաշնակցու-
թեան), մի տեսակ պաշտամունք են դարձրել ոչ միայն
ռուսութիւնը, այլև ռուսական բռնապետութիւնը, ցա-
րի զմը իր գարշելի, մարդասպան ռեժիմով:

Նոյն ծառայական վերաբերմունքը մենք դիտեցինք ռուսահայոց եկեղեցական գոյքերի յափշտակման միջոցին. Պարիզի անկղզուներ, ծախու մամուլը միացած ռուսական «Նովոյե-վրեմյա»-ի պէս աղտոտ թերթերի հետ, արգարացնում էր ցարի կառավարութեան աւագակային գործը և մեղադրանքներ էր ուղղում հայ ժողովրդին, «հայ խռովարարներին»...

Այսօր նոյն այդ մամուլը խունկ է ծխում Ռուսանովների գահի առաջ՝ պատերազմի առթիւ... Նողկալի երեւոյթ, որ անկարելի է արգարացնել ունէ բանաւոր շահի նկատումով:

Բարեբախտաբար կայ անկախ մամուլը: Նրա ազդեցութիւնը գերակշռող չէ շովինիզմի բռնկման այս օրերում, չնայելով որ նրա ներկայացուցիչները պարլամենտի մէջ կազմում են ճնշող մեծամասնութիւն: Բայց նրա ձայնը դարձեալ ազդու է, զօրաւոր: Կան հեղինակաւոր հրապարակաստներ, որոնք նոյնիսկ այժմեան պայմանների մէջ պայքարում են սանձարձակ ռուսամուլութեան դէմ և առանց քաշելու մերկացնում են «մեծ դաշնակցի» ներքին խոցերը, բռնապետական ուժի մի բոլոր գարշանքը: Հենց այդ ներքին թուլութիւններին են վերագրում նրանք Ռուսաստանի ձախորդութիւնները պատերազմի սկզբում և նրա ապագայ հնարաւոր պարտութիւնը:

Այդպիսի հեղինակաւոր բնագրաներից է Ժ. Թ. Կլեմանսօ, Սենատի անդամ, *Aurore* թերթի խմբագրապետը: Պատերազմի սկզբնաւորութիւնից ի վեր նա անողոր գրչով մտրակում է Ռուսաստանի պետական կազմը, նրանից բղխող անհամար չարիքները: Նա իբրեւ պարտաճանաչ ֆրանսիական քաղաքացի և կողմնակից ռուսական դաշնակցութեան՝ ուզում է, որ ֆրանսիայի դաշնակիցը իրօք ուժեղ լինի, և այդ ուժը տեսնում է միայն Ռուսաստանի ներքին յեղաշրջման մէջ: Այդ անկեղծ ընթացքը դուր չեկաւ նացիօնալիստներին և օպպօզիտիստ «Տան»-ին: Իր ոլիմպիական բարձրութիւնից այդ վերջինը քարկոծեց Նիւմանսօին, յայտարարեց նրան հայրենիքի թշնամի, փորձեց ամեն կերպ վարկաբեկ անել նրան: Պէտք է ասել, որ «Տան»-ի խմբագիրը նոյն ընթացքն է բռնել վաղուց ի վեր նաև Ժ. Թ. Կլեմանսօի նկատմամբ:

Եւ առաջ եկաւ մի կծու բանակաւ: Նիւմանսօն չենայեց իր հակառակորդին: Նա օգտուեց առիթից և իրեն յատուկ անկեղծութեամբ բաց արեց «Տան»-ի խմբագրապետ՝ զազրելի է բարարի անցեալ ու ներկայ բոլոր կեղտերը: Ահա թէ ինչ է գրում նա *Aurore*-ի երկու առաջնորդողների մէջ.

«Ես չեմ փոխել աչքերս այն քառամեկի վայրագութիւնների առաջ, որոնք մտնում են ռուս կառավարութեան ծրագրի մէջ: Հենց այդ է, որ չէ կարող ընդունել Ալբիան Էբրար: Այդ մարդը, որ ազատամիտ է Կախիչ Մուրավյովի ձեռքի հայերի դէմ անարգաբար արշաւելուց յետոյ՝ այժմ դառնում է արժանաւոր ջատագով բռնապետական ուժի մի, որը արտաքրում է իր խորհուրդներից երկրի ամեն մի ներկայացուցչութիւն, արտքրում է քաղաքացիներին առանց դատի, յափշտակում է նրանց գոյքերը և այլն:

«Մոռացել է արդեօք պ. Էբրար այն անամօթ անարգանքները, որ նա ուղղում էր հայերի դատը պաշտպանողներին, — այն հայերի, որոնք, թեով երեք հազար — կին, ծեր ու երեխայ — այլեւ էին Ուրֆայի եկեղեցում՝ Աբդիւլ Համիդի հրամանով, որին Գլադստօն անւանել էր սուլթան-մարդապան: Ինչպե՞ս Լօրանով այդտեղ տեսնում էր մի սոսկ «պատահար»... պ. Էբրար ձայնակցում էր նրան: Եւ ապա մի քանի ժամանակից յետոյ, երբ քամին փչեց ուրիշ ուղղութեամբ, նոյն պարսն Էբրար կոկորդիլոսի արցունքներ թափեց նոյն

Հայաստանի վրայ և ցինիկաբար ցաւ յայտնեց, որ չէին հետեւել այն քաղաքականութեան, որ ինքը գաղափարեւել էր այնքան կատաղօրէն: Որքան կ'ուզէի մի բացատրութիւն ըստանալ պ. Էբրարից այդ կէտի վերաբերմամբ... Սակայն հենց այդ կէտին հասնելը — նա ընդհատեց խօսակցութիւնը... Կարծում եմ, զրա համար ունի իր պատճառները»...

Հրաշալի խօսքեր են սրանք և թունաւոր խօսքեր, որ մեծանուն հրապարակախօսը զգաւորով նետում է այն տիւրը անձնաւորութեան երեսին, որը հայ ժողովրդի արեան ու սարսափի օրերում սուլթանի շնորհներն էր վայելում, փոխարէնը հատուցանելով և միաժամանակ իր հայրենիքի մէջ ցոյց տալով ինքզինքը, որպէս հանրապետական սկզբունքների պաշտպան, արդարութեան ու ազատութեան ջատագով... Էբրար յիշաւի պատճառներ ունի լռելու: Նա ինքն էր սկսել բանակաւոր և բնաւ չէր սպասում հակառակորդի կողմից այնքան մոլեգին յարձակումների, և մանաւանդ այնքան սարսափելի ահնար կ'ներկայէր... Նա կրեց իր պատիժը, խայտառակեց բոլոր ազնիւ քաղաքացիների առաջ: Ուրիշները ևս կը պատժեն, յուսանք: Յուսանք, որ Նիւմանսօնի անողորմ խարազանը պիտի մաքրէ վերջապէս մամուլի սուրբ տաճարը կեղտի ու ապականութեան ներկայացուցիչներից, գաղափարազուրկ, ծախու հոգիներից:

* * *

Եւ ի՞նչ է Ռեկլիւ, տիեզերական Աշխարհագրութեան հոգակաւոր հեղինակը՝ Պարիզի *La Revue*-ի մէջ հրատարակած «Համապատկանութիւն և Ռուսական միութիւն» վերնագրով մի յօդուածի մէջ հետեւեալն է գրում, ի միջի այլոց, Անդրկովկասի և հայերի մասին.

«... Ինչ վերաբերում է հրաշալի Անդրկովկասին, որը գուցէ աշխարհիս ամենագեղանի երկիրն է, նա, որ կլասիկ առասպելների մէջ հռչակւած է որպէս երջանկութեան վայր, և ուր մարդկութիւնը երկար ժամանակ իր որբանք փնտրեց, — այդ հարուստ երկիրը ևս հաւատարապէս զոսւմ է իր վրայ ռուսական տիրապետութեան ծանրութիւնը...»

«... Հայերը, որ կազմում են ֆիֆիլիզի ազգաբնակչութեան մեծամասնութիւնը և ունեն իրենց սրբազան մայրաքաղաքը, Էջմիածինը, ռուսական հողի վրայ, — հայերը լաւ գիտեն, թէ ինչեր են կրել իրենց իշխողներից: Ինչ սուր, վերջապէս, 250 միլիօն ֆրանքի յափշտակման մասին, որ ամբարած էր դարերի ընթացքում և ազգի կողմից դրած եկեղեցու դանձարանի մէջ: Այդ դարձելի կեղեքման յիշատակը երբեք չը պիտի ջնջւի, քանի որ ներկայ ուժի մի տակ այդպիսի կեղեքումների ցանկը անգագար պիտի աւելանայ: Հայկական հարցը գուցէ ամենափափուկ կէտն է այն վտանգների ամբողջութեան մէջ, որոնք սպառնում են կայսրութեան մեծ մարմինը: Հայերը՝ իմացական և քաղաքակրթութեան ծառու՝ պիտի հանդիսանան մի ահաւոր կազմակերպող տարր Ռուսաստանի ոտիկան-զինւորական ահագին օրգանիզմի մէջ»:

* * *

«Européen»-ի նշանաւոր աշխատակիցներից մինը՝ Ֆրեդերիկ Կուէն զետեղել է այդ թերթի № 116-ում մի կարեւոր յօդուած՝ «Գեղին վտանգը և Ռուսաստանը» վերնագրով: Այդտեղ խօսելով ցարիզմի աշխարհակալութեան վտանգների մասին, նա ասում է իմիջի այլոց.

«Ինչպէս արդեօք հաշտեցնել Ռուսաստանի դիրքը դէպի հայերը՝ քաղաքակրթութեան և յառաջդիմութեան մասին մեր ունեցած ընդհանուր գաղափարների հետ: Մենք չենք խօսում միայն հայոց եկեղեցական գոյքերի այժմեական խնդրի մասին, այն գոյքերի, որոնց վրայ ռուս կառավարութիւնը գրել է իր ձեռքը, որովհետեւ հայ եկեղեցին բաւականաչափ ռուսաստան է: Հայաստանը այն հողն է, ուր բոլորն էլ լաւ աչքով կը դիտեն Ռուսաստանի ազդեցութեան տարածումը,

1044 Ամառանոցում 5 հոգուց տ. 39. 50 n.,
1045 Առուակ գիւղի հասարակութիւնից 41. 85 n.,
1046 Նորարփին ,, Երկաթ խմբից 19. 50 n.,
1047 ,, ,, հասարակութիւնից 66 n.,
1048 Արեգ ,, ,, 11. 30 n.,
1049 ,, Պ. Ըօթգ, գիւղից նւէր 2. 50 n.,
1050 Ժաղկածոր գիւղի հասարակութիւնից 57. 40 n.,
1051 Նորարփին գ. 4 հոգ. տ. 26. 50 n.,
1052 Առուակ գ. տ. 20 n.,
1053 Ծամբորդ գ. հասարակութիւնից 78. 38 n.,
1054 ,, գ. 4 հոգուց տ. 80 n.,
1055 Փայլուն գ. երիտասարդներից 38. 50 n., կանանցից 7. 71 n., գումար 46. 21 ք. n.,
1056 Ա. Դ.-ից մի ծի եւ տ. 20 n.,
1057 Տ. 2. եւ Տ. Պ. տ. 10 n.,
1058 Զկածորի կանանց խմբից 4 n.,
1059 Նորարփին գ. Տ. Ա. Մ. 5 n.,
1060 Բարածոր գ. հասարակութիւնից 6. 50 n.,
1061 ,, գ. քաղաքացիներ. 15. 50 n.,
1062 Պրազ գ. հասարակութիւն. 40 n.,
1063 Զրաքերդի Փայլակ խմբ. 3. 90 n.,
1064 ,, Գ. Բ.-ից նւէր 25 n.,
1065 Կիլիկիայ գ. հասարակութիւն. 32 n.,
1066 Օրթ. Էլ. գ. հասարակութիւն. 2 n.,
1067 Զրաքերդի № խմբ. 8 n.,
1068 Օծածոր գ. երեկոյթից 81 n.,
1069 Որմիզդ գ. երեկոյթից 100. 48 n.,
1070 Ամառանոց գ. հարսանիք. 11. 35 n.,
1071 Հիւսիս գ. ծնունդի եւ նշանդէքի առթիւ 7 n.,
1072 Ընդարձակ գ. հարսանիքի առթիւ 8. 2 n.,
1073 ,, գ. հասարակութ. 12 n.,
1074 ,, գ. Բարեսիրտ խմբ. 5 n.,
1075 ,, գ. Մ. Մ. նշանդէքի առթիւ 4. 68 n.,
1076 Ան-քաղաք գ. հասարակութ. 25. 31 n.,
1077 Անառիկ գ. հասարակութ. 39. 20 n.,
1078 Ս. Մ.-ի տօնի առթիւ Զրաքերդում 6. 85 n.,
1079 Զրաքերդի Վրէժ խմբ. միջ. Մարգար տօնի առթիւ 26 n.,
1080 ,, տօնի եւ հարսանիքի առթիւ 6. 50 n.,
1081 ,, տօնի եւ հարսանիքի առթիւ 6. 50 n.,
1082 Բարծոր գիւղում հանգանակ. Սասնոյ համար 44. 95 n.,
1083 Պ. Մ. դստեր հարսնտեսի առթիւ 12. 50 n.,
1084 Արփաշէն գ. հասարակութ. 5. 10 n.,
1085 Ս. Կսա. տօնի առթիւ 3 n.,
1086 Անառիկ գ. հասարակութ. Սասնոյ համար 17. 65 n.,
1087 Խորհուրդ խ. երեկոյթից եւ տուգանք Տ-եանից 90 n.,
1088 Լոկի գ. ներկայացումից 177 n.,
1089 Հիւսիս գ. ներկայացումից 46. 20 n.,
1090 Պ. Աբրահամի հարս. առթիւ 3. 87 n.,
1091 Ժառաստան գ. հասար. Նօղէհի միջոցով 24. 95 n.,
1092 Նորածին խմբ. միջ. հարսանիքներից 10 n.,
1093 Զողածորցի Բոլ. հարսանիքից 5 n.,
1094 Բ.-ի որդու մկրտ. առթիւ Զրաքերդ 4. 75 n.,
1095 Աբգ. քրոջ հարս. ,, ,, 3 n.,
1096 Կ.-ի աղջկայ ,, ,, 6 n.,
1097 Էջմ. ,, ,, 11 n.,
1098 Պ. Պողոսեսանի ,, ,, 2. 15 n.,
1099 Վ. Ղազ. ,, ,, 15. 43 n.,
1100 Գ. 2. ,, ,, 7. 90 n.,
1101 Զրաքերդում Վ. Լ. տօնի առթիւ 5. 1 n.,
1102 ,, Վ. Պ. տօնի առթիւ 5 n.,
1103 ,, Վ.-ի տօնի առթիւ 6 n.,
1104 ,, Վ. Ս.-ի տօնի առթիւ 8. 85 n.,
1105 ,, Գ. 2.-ի տօնի առթիւ 12 n.,
1106 ,, Վ. Տ.-ի տօնի առթիւ 11 n.,
1107 ,, Մի խումբ մարդկանցից 7. 95 n.,
1108 ,, խմբ. 9. 50 n.,
1109 ,, Տ. Տ. որդոց փեսատեսին 8 n.,
1110 ,, Զ. Դ. տօնի առթիւ 13. 50 n.,
1111 ,, Ա. Մ. եւ Գ. Տ. նշանադր. առթիւ 4 n.,
1112 ,, Ա. Բ.-ի հրաւերում հանգանակ. 28. 70 n.,
1113 Ծփրատ գղ. հասարակութիւնից 15 n.,
1114 Զրաքերդում մի ունից նւէր 5 n.,
1115 ,, Գումար խմբից 32. 25 n.,
1116 ,, Շարժական խմբ. 3. 15 n.,
1117 ,, Լուսինեան խմբ. 5. 70 n.,
1118 ,, Լուսաբեր խմբ. 5. 80 n.,
1119 ,, Բաշասիրտ խմբ. 4. 75 n.,
1120 ,, Նորաքեր խմբ. 4. 80 n.,
1121 ,, Կ. Դ.-ի տօնի առթիւ 5 n.,

- 1122 Հրաքերդի Յոյս խմբ. երեկոյթից 47. 95 n.,
 1123 " Երազգաւոր զդ. ներկայաց. 40 n.,
 1124 Գեղէն խմբ. Հրաքերդում 8 n.,
 1125 Շերամ զդ. ներկայացումից 145 n.,
 1126 Գշիռ խմբից Հրաքերդ 14. 50 n.,
 1127 Մի քանի հոգուց տ. վաւարակութիւնի միջոց. 7 n.,
 1128 Փուշ զդ. հասարակութիւնից 36. 20 n.,
 1129 Ծերմակ-ձոր զդ. հասարակութիւնից 24. 5 n.,
 1130 Բար-ձոր զդ. հասարակութիւնից 22 n.,
 1131 Խորհուրդ խմբ. հոկտ-նոյ. ամս. Հրաքերդ. 11. 50 n.,
 1132 Խորհուրդ խմբ. վիճակախաղից " 23. 70 n.,
 1133 Արշալոյս խմբ. նոյեմ. եւ դեկտ. " 7. 40 n.,
 1134 Եարժական խմբ. " 2. 90 n.,
 1135 Նոր երգ պատանի խմբ. " 4 n.,
 1136 Բար-ձոր զդ. ներկայացումից " 61. 75 n.,
 1137 Հրաքերդի Սեւ-սար խմբից մարտ ամս. 4. 20 n.,
 1138 Կղզի զդ. երեկոյթից 55 n.,
 1139 Հրաքերդի Արօր խմբից 7 n.,
 1140 Հրաքերդի Խորհուրդ խմբի երեկոյթից 40. 47 n.,
 1141 Նախագործ զդ. Արծիւ խմբ. 21 n.,
 1142 " զդ. Հոյ խմբ. 3. 20 n.,
 1143 " Նոր հաւատ խմբ. 2. 90 n.,
 1144 " մի քանի անձնաւորութիւններից 3 n.,
 1145 Հրաքերդի Ժիրաբ խմբ. 3 n.,
 1146 Որմիզդ զդ. տ. 20 n.,
 1147 Որմիզդ զդ. Ն. Մ. եւ Պ. Տ. 30 n.,
 1148 Որմիզդ զդ. Ա.-ից եւ մի ունից 10. 50 n.,
 1149 Որմիզդ զդ. հասարակութիւնից 30 n.,
 1150 Հրաքերդի Մոծակ խմբ. 3. 30 n.,
 1152 Օձաձորի զդ. հասարակութիւնից 108. 30 n.,
 1153 Ա. Դ.-ից ստացած ծիւղ վաճառումից 60 n.,
 1154 Բ.-ցի Մ.-ից տ. 40 n.,
 1155 Պրակ զդ. ներկայացումից 43 n.,
 1156 Վտակ զդ. ներկայացումից 61. 75 n.,
 1157 Մ. Պ.-ի տօնի տոթիւ Հրաքերդ. 12 n.,
 1158 Տ. Թ. Մ.-ից նւէր մի ոսկի 2 n.,
 1159 Մ. Գ.-ից կնոջ յիշատակին 5 n.,
 1160 Ն. Բ.-ից մօր յիշատակին 10 n.,
 1161 Նորեկ զդ. հասարակութիւնից 57. 40 n.,
 1162 Բլուր զդ. հասարակութիւնից 113 n.,
 1163 Արեգ զդ. հասարակութիւնից 53 n.,
 1164 Հրաքերդի հաւատ խմբ. 20 n.,
 1165 Հրաքերդի Լուսինեան խմբ. 2. 50 n.,
 1166 Անխախտ զին. խմբ. 13 n.,
 1167 Թնդանօթ զին. խմբ. 5. 85 n.,
 1168 Բաղաբաւասում հանգանակած 16. 35 n.,
 1169 Հրաքերդի Ս. Յոյս խմբ. 2. 50 n.,
 1170 Անապատում հանգանակած 450 n.,
 1171 Անապատում հանգանակած 56. 85 n.,
 1172 Հանքում հանգանակած 460 n.,
 1173 " Ժմակ զդ. հասարակութիւնից 4 n.,
 1174 " Մեղր զդ. հասարակութիւնից 11. 40 n.,
 1175 " Անտիկ զդ. հասարակութիւնից 34. 25 n.,
 1176 " Բարձրամանակի հասարակութիւն. 76. 20 n.,
 " Գետափ զդ. կորցրած ծայրերի մը. 394. 40 n.,
 " Ոստանիկ զդ. հասարակութիւնից 54. 80 n.,
 " Լեռնավայր զդ. հասարակութիւն. 25. 20 n.,
 1177 Հրաքերդի Երազգաւոր խմբ. 45 n.,
 1178 Ժառաստան զդ. Հին. խմբ. 15 n.,
 1179 Ժառաստան զդ. տ. 7 n.,
 1180 Փայլուն զդ. տ. 10 n.,
 1181 Չկածորի զդ. 5 հոգուց տ. 10 n.,
 1182 Վարդաձոր զդ. հասարակութիւնից 33. 30 n.,
 1183 Հրաքերդի Փայլուն խմբ. 3. 70 n.,
 1184 Հրաքերդի գետակ խմբ. 11. 5 n.,
 1185 Հրաքերդի Արեւ խմբ. 3. 37 n.,
 1186 Հրաքերդի Գուծան խմբ. երեկոյթից 172. 22 n.,
 1187 Հրաքերդի Գուծան խմբի Ս. երեկոյթից 60. 88 n.,
 1188 Եփրատ զդ. զդ. մի քանիսից տ. 10 n.,
 1189 Եփրատ զդ. հասարակութիւնից 48. 45 n.,
 1190 Հրաքերդի Փայլակ I. խմբ. 4. 60 n.,
 1191 Հրաքերդի Փայլակ II. խմբ. 5. 10 n.,
 1192 Հրաքերդի Մոծակ խմբ. 3. 30 n.,
 1193 Հրաքերդի Փայլուն խմբ. 4. 35 n.,
 1194 Հրաքերդի Եարժական II. խմբ. 11 n.,
 1195 Կղզի զդ. հասարակութիւնից 69. 32 n.,
 1196 Արամ զդ. ներկայացումից 45. 50 n.,
 1197 Արամ զդ. հասարակութիւնից 41. 45 n.,
 1198 Կղզի զդ. հասարակութիւնից 146. 78 n.,

- 1199 Չկածոր զդ. հասարակութիւնից 129. 40 n.,
 1200 Չկածոր զդ. ներկայացումից 34 n.,
 1201 Գասպ. Սր-ից տ. 200 n.,
 1202 Փայլուն զդ. հասարակութիւնից 17. 50 n.,
 1203 Նորարփի զդ. Երկաթ խմբից 44. 35 n.,
 1204 Հրաքերդի Արաս խմբ. 7. 90 n.,
 1205 Հրաքերդի Վրէժ խմբ. 25 n.,
 1206 Հրաքերդի Վազգէն խմբ. 2. 85 n.,
 1207 Ստուեր զդ. հասարակութիւնից 30 n.,
 1208 Նախընթաց զդ. հասարակութիւնից 75 n.,
 1209 Հրաքերդի Լուսին խմբ. 2. 10 n.,
 1210 Առուակ զդ. ներկայացումից 64 ուրբի 40 կօպէկ:

(Ար շարունակելի)

ԺԱՏ ԿԵՂՐ. ԿՕՄԻՏԷՆ՝

Ս. Բ.-ի ծնողով 500 ուրբի, Նորածնից հին տարիների հաշիւն 70, Նորածնից 1903 թ. հաշիւն 210, Գ.-սկից 1903 թ. հաշիւն 66, Ն.-կից Ժ.-ի ծնողով 120, Կենդանութիւն ժողովում է 708. 35, Աւետիսից ժողովում է 250 n.: Գումար 1924 n. 35 կօպէկ:

ԿԱՐՍԻՐ ՋՐԻ ԵՆԹԱԿՕՄԻՏԷՆ՝

Անդամաւ Վճար ներքին Անդամիկ I. խմբ. (օգոստոս) 10. 50 ուրբի, Անդամիկ II. խմբ. (օգոստոս) 10, Կոկոն խմբ. (սեպտ.) 6. 48, Հեփիւր խմբ. (սեպտ.) 7, Դաթիւ խմբ. (սեպտ.) 13, Անդամիկ I. խմբ. (սեպտ. եւ հոկտ.) 14. 65, Անդամիկ II. խմբ. (սեպտ. եւ հոկտ.) 20. 50, Կոկոն խմբ. (հոկտ.) 7. 80, Հեփիւր խմբ. (հոկտ.) 6, Արուսեակ խմբ. (հոկտ.) 13. 50 n.: Նւէր ներքին Պ. Ա. Վ. 55 ուրբի, Արամից 3, Ուխտածորից 4. 50, Աղբիւր Կուլակից 1. 50, Երկու մասնաւոր երեկոյթներում հանգանակած 22. 25, Հեփիւր խմբի կայացրած մի հաշիւութիւնից 10, Ն. Մարգարէի յիշատակին հանգանակած 36. 40, Անդամիկ I. խմբի վիճակախաղից 20, Գոհարիկ եւ Արուսեակ կանանց խմբերի կազմակերպած տօնածառից 94. 20, Արուսեակ խմբ. հաւաքած 20, Միւս խմբակների միջոցով հանգանակած 87. 70, Արուսեակ խմբի հանգանակած հետեւեալ անձերից՝ Մարաս 9, Տիգրայատ, Արմենակ, Ստեփաննոս, Մասիս, Բաւար 3-ական, Սարիբէգ 6, Ն. Վարժապար 5, Մէ, Գանձապան, Գողման, Մարտափ, Եռլի 2-ական, Զարշարոյ, Արամ, Սողոմոն, Աղուան, Մարգիս, Նուրէլան, Մեղրում, Ն.-թումի 1-ական, Գաիլից 1: Գումար 517 n. 98 կօպէկ:

ԻՐԱՆ-ԹՈՒՐԱՆԻ ԵՆԹԱԿՕՄԻՏԷՆ՝

Գործակատար խմբի միջոցով յունւար 16-ին կազմակերպած ա. երեկոյթում՝ Չկնորսից 15 ուրբի, Ներսէս Կամսարական, Եաւարշ Մամիկոնեանց, Բար-Թակող եւ Զարաթէշի 10-ական, Ուստան 11. 50, Պահակ Սահմանեանց, Ռշտունի, Պալունի, Սօլ, Զարաթեօզ, Կարօ եւ Բարի-սահմի 5-ական, Աշոտ, Փայտ տաշող, Ալմուրաշ 2-ական, Մկրատ, Դուին 1-ական, Կորիծ 50 կօպէկ, Ժողովարարութեան Ն° 145 թերթով Զարաթէշի եւ Ուստան 10-ական ուրբի, Բարի-Ժամու, Մ. Գրիգորեանց, Մ. Ստեփանեանց, Ա. Բաքայեանց, Ա. Մեղր-Ագարեանց, Մեղրէ Հայրեանց, Թարութիւն Աւետիսեանց 5-ական, Պահակ Սահմանեանց, Կարօ, Մարտիրոս Բաղդասարեանց 3-ական, Պալունի, Ռշտունի, Հայկակ, Թաթուլ, Վարդօ, Ս. Պետրոսեանց 2-ական, Ոմն 2. 50, Աշոտ, Բաշ, Վասպուրական, Արէգ, Ա. Գրիգորեանց, Ա. Խաչիկեանց, Կայծակ 1-ական, Արշակ 50 կօպէկ, Անդամավճարներ առ 1-ն յունւարի 1904 78. 50 n.: Գումար 274 n. 50 կօպէկ:

ՌՈՒՍԱՆԻԱ՝

ԴԱՆՈՒՐ ԵՆԹԱԿՕՄԻՏԷՆ ստացեր է 1903 թ. յուլիս, օգոստոս եւ սեպտեմբեր ամիսներուն.

Ս.-էն՝ Հագուլ խմբ. 36 ֆրանք, Վարազ խմբ. 15, Կարին խմբ. 15, Սեղոր-Աղբիւր խմբ. 28, Նոր-Դար խմբ. 30, Հինասէր խմբ. 26, Սեպուհ խմբ. 20. 50, Փէղայի խմբ. 15. 30, Տարօն խմբ. 11, Տրդատ խմբ. ապրիլ 1-էն մինչեւ հոկտեմբեր 1-ին 38. 50, Պրաիլայէն՝ Նիհար խմբ. յունիս յուլիս եւ օգոստոս ամիսներուն 27, Նիհար խմբ. սեպտ., հոկտ. եւ նոյեմբ. ամիսներուն 24, Ս.-էն՝ Ա. Մանուկեանէ նւէր 5, Սիւլէն ծերէ նւէր 5, Աս. Կարապետեանէ նւէր 2, Նախորդ մնացած գումարն է 710. 10 ֆր.: Գումար 1008 ֆրանք 40 սանտիմ:

ԺՈՎԱՓԻ ԿՕՄԻՏԷՆ՝

ՏԱՊԱՐ քաղաքէն՝ Թոնակ 40 դր2, Մարդասէր 80, Երիւկացի 12. 20, Բարեսիրտ 100, Երկու տղայք 40, Սագօ 30, Ափօ 30 դր2: Գումար 272 դր2. 20 փարա:

ՄԵՐ ԽՈՐԱԳՐՈՒԹԵԱՆ ՀԱՍՏԷՆ՝

Rédaction du „Droschak“, Genève (Suisse)



ՈՉ-ՌՈՒՍԱՀՊԱՏԱԿ ՀԱՅԵՐՈՒՆ

Յարգելի հայրենակիցներ,

Յայտնի է Ձեզ, որ Ռուսիոյ նախարարական խորհուրդը իր յունիս 12-ի նիստին մէջ որոշած է յարքունիս գրաւել հայ եկեղեցապատկան կալաւածները, որոնք ըստ նոր անօրինութեան պիտի կառավարուին այսուհետեւ պետական կալաւածներու նախարարութեան կողմէ: Իսկ կալաւածներէն ստացւած հասոյթները պիտի յատկացուին ծխական և ուրիշ կարգի դպրոցներու պէտքերուն և այդ ծախքերէն մնացած գումարները միայն պիտի յանձնուին համապատասխան եկեղեցիներուն ու վանքերուն:

Յունիս 12-ի կարգադրութիւնը, իլլելով հայ կղերի ձեռքէն եկեղեցապատկան կալաւածներու վարչութիւնը, ոչ միայն կը խախտէ Հայաստանեայց եկեղեցւոյ իրաւունքները ազգային գոյքերու կառավարութեան խնդրոյն նկատմամբ, այլև կը հանդիսանայ իբրև նորատեսակ յափշտակութեան ձև մը 100 միլիոն ռուբլի արժէքաւոր հայ ազգային ստացւածքներու: Դժուար է ուրիշ կերպ անւանել ռուս նախարարներու որոշումը, քանի որ «հայ ծխական» անւանւած դպրոցները, որոնց գոյութեան պահպանման համար պէտք է ծախուի կալաւածական հասոյթներու մեծագոյն մասը, չունին գրեթէ ո՛րէն «հայ» ազգային և կրօնական նկարագիր: Բաւական է միայն յիշել, որ այդ վարժարաններու ուսուցիչներէն շատերը չեն պատկանիր հայ ազգութեան, որ հայերու հետ միասին ոչ հայ երեխաներ ևս կը յաճախեն այդ վարժարաններէն մեծ մասը, ուր հայոց լեզուի ու կրօնի դասաւանդութիւնը դարձած է սոսկ ձեւականութիւն մը: Ռուսաստանի «հայ ծխական դպրոցները» իրենց ներկայ դրութեան մէջ կը հանդիսանան ոչ թէ իբրև կրթական հիմնարկութիւններ, այլ իբրև ուսուցման նոր ձևի մը հիմնարկութիւններ, որոնք կը ձգտին ոչնչացնել հայութիւնը իր իսկ սեփական միջոցներով: Բացի այդ, չկայ ոչ մի երաշխաւորութիւն, թէ ռուս պաշտօնեաները չպիտի համարեն «ծխական դպրոցները» համայն պետութեան ուսումնարաններ, ուր կը սովորին նաև մի քանի հայ մանուկներ, և հետեւաբար ոչ զք կարող է վստահ լինիլ, որ հայ եկեղեցական կալաւածներու եկամուտով ռուսական կառավարութիւնը չպիտի հոգայ իր իսկ սեփական պէտքերը:

Ահա թէ ինչու յունիս 12-ի որոշումը հայերու կողմէն հանդիպեցաւ միահամուռ դիմադրութեան: Ամբողջ հայ հոգեւորականութիւնը, իրեն պըլուս ունենալով եկեղեցւոյ ալեղարդ պետը, և համայն հայ հասարակութիւնը, առանց խորութեան կուսակցութիւններու, հասակի ու սեռի՝ որոշեցին չ'ընդունիլ այս ապօրինի կարգադրութիւնը և բողոքել սանձարձակ կամայականութեան դէմ:

Կաթողիկոսը հեռագրով ու նամակներով աղերսեց կայսեր ի նկատի առնել իր բերած լուրջ բացատրութիւնները և յետաձգել յիշեալ որոշման իրագործումը: Սինօդի անդամները, թեմակալ առաջնորդները հրաժարական տուին, անհնարին գտնելով իրենց պաշտօնավարութիւնը ներկայ պարագաներու մէջ: Ռուսաստանի բոլոր քաղաքներուն և նոյնիսկ գիւղերուն հայ բնակչութիւնը արինահեղ ցոյցերով բողոքեց կատարուած աւագակութեան դէմ և մերժեց յանձնել կալաւածները: Ռուսիոյ դարաւոր տիրապետութեան ընթացքին մէջ առաջին անգամ էր որ իովկասի մէջ հազարաւոր հայեր կուեցան բռնակալութեան դէմ, իրենց թափած արիւնովն ու կեանքի գնովը պաշտպանելու համար հայ ազգային իրաւունքները:

Երբունի հայրապետին աղերսանքները մնացին ձայն բարբառոյ յանապատի: Հայ հոգեւորականութեան «ըմբոստութիւնը» խորտակելու համար ոստիկան Պէվէի կառավարութիւնը նոր հրաման արձակեց, որով հոգեւորական պաշտօններու մէջ հաստատուելու համար նախապէս կը պահանջուի իովկասի կառավարչապետին կամ նահանգապետներուն հաճութիւնը. ահա մի պարագայ ևս, որ նոր տեսակի չի ու վն ի կ ու թ ե ա ն կը վերածէ հայ հոգեւորականութիւնը, զայն կը դարձնէ կառավարութեան ձեռքին մէջ անվերջ զէնք մը՝ անոր նպատակները իրագործելու համար: Ժողովուրդին արդար բողոքը խեղդելու նպատակով՝ հայաբնակ գլխաւոր քաղաքները յայտարարած են զինուորական գրութեան մէջ փակուած են քիչ թէ շատ արժանաւոր զիւր բռնող թերթերը, աքսորւած են ու կ'աքսորուին բողոքի նշոյլ ցոյց տուող հայերը, կը հայածին հայկական դատի կենդանի ներկայացուցիչ-առաջկահայերը... Այսպէս, բռնութիւնն ըրաւ, ինչ որ կրնար ընել:

Խաբէութեան միջոցաւ, մտրակի հարւածներու սարսափին տակ, զէնքի ուժով ձեռակերպեցաւ թղթի վրայ կալ-
ւածներու մեծ մասին փոխանցումը: Այդպէս պաշտօնեաները խորտակեցին Էջմիածնի գանձարանը և Մայր Աթոռի
գումարները փակեցին Երևանի նահանգական գանձարանի մէջ:

Ձրկեա՞ծ ու կողոպտեա՞ծ իր դարաւոր հարստութեան աղբիւրներու հասոյթներէն, հայ բարձր հոգեւորակա-
նութիւնը մատնեա՞ծ է ծանր կացութեան. Էջմիածնի ճեմարանը, թեմական դպրոցները պարտքով ու մասնաւոր
հասոյթներով է միայն որ կը պահպանուին:

Ոչ որի յայտնի է, թէ ուր պիտի յանգի սկսեա՞ծ պայքարը:

Մերժելով ստանալ տէրութեան յափշտակած կալւածներուն եկամուտը, Ռուսաստանի մեր եղբայրները որոշած
են շարունակել կռիւը:

Այս պարագաներուն մէջ պէտք է որ ուրիշ երկիրներու հայերն ևս մասնակից լինին ազգային շահերու պաշտ-
պանութեան գործին:

Մէկ կողմ թողլով բողոքի այն ձևերը, որ մինչև այժմ հայ գաղութներու այլևայլ ժողովներն արտայայտեցին,
ինչպէս և Վ. Պօլսոյ պատրիարքարանին ռուսաց դեսպանատան միջոցաւ ներկայացուցած զեկուցագիրը, մենք այս
գրութեամբ կ'ուզենք առաջարկել բողոքի մի նոր միջոց ոչ-ռուսահայատակ հայերուն, այն է՝ աշխատել կալ-
ւածական խնդիրը զնեւ Լ ա Տ է ի Մ ի ջ ա զ գ ա յ ի ն Ա տ ե ա ն ի ն ա ո ջ և:

Ռուսաստան գտնուող հայ եկեղեցական կալւածները, ինչպէս կը վկայէ նոյնիսկ ռուս կառավարութեան կողմէ
1836 թւին կազմեա՞ծ յատուկ կանոնադրութիւնը (Պօլսոյէնիէն), կը կազմեն սեփականութիւնը համայն հայու-
թեան լուսաւորչական եկեղեցոյն, այսինքն բոլոր լուսաւորչական հայերուն: Յիշեալ գոյքերուն մեծ մասը, հայ
սրբավայրերուն անունով գնեա՞ծ են աշխարհքիս բոլոր անկիւնները ցրեա՞ծ բարեպաշտ հայերու անձուկ միջոց-
ներովը: Ռուսաստանի, Պարսկաստանի, Ցաճկաստանի հայերը նոյնչափ մասնակցած են այդ ազգային եկեղեցական
հարստութեան գումարման, որչափ և Հնդկաստանի, Եգիպտոսի, Հոլլանդայի, Ռումանիայի, Ֆրանսայի, Ամերիկայի և
այլ հեռաւոր երկիրներու հայերն ու անոնց նախահայրերը: Հետեւաբար այդ բոլոր հայերն ունին հաւասար
իրաւասութիւն պահանջելու, որ յիշեալ գոյքերը գտնուին իրենց վստահութիւնը վայելող մարմնոյ մը՝ հսկողութեանն
ու տրամադրութեանը տակ, որպիսին բոլոր հայերու համար կը հանդիսանայ ներկայիս մէջ Էջմիածնայ Մայր Աթոռը:
Հակառակ պարագային ազգային այդ ամբողջ հարստութիւնը բաժանելու է բոլոր հայ եկեղեցական համայնք-
ներու միջև:

Կալւածներու գրաւման փաստը կատարելէ յետոյ, ահա այդ դատն է որ պիտի սկսին այսօր ոչ-ռուսա-
հայատակ հայերը ռուս կառավարութեան դէմ. ազոր մասին է որ պէտք է խորհին ու գործեն բոլոր հայերը:

Լուսաբանելով խնդիրը իրենց տեղական տեսակէտներով ու փաստերով, հանդիսանալով իբրեւ մի հաւաքական
կրօնական մարմին, զանազան երկիրներու մէջ ապրող հայերը պէտք է պաշտպանեն իրենց շահերը, բան մը, որ
ներկայ պարագաներուն մէջ կը լինի և ընդհանուր ազգային շահերու պաշտպանութիւն: Սակայն, պէտք չէ մոռնալ որ
ոևէ հետեւանքի հասնելու համար անհրաժեշտ է, որ իւրաքանչիւր մի երկրում հայերու շահերուն պաշտպանութիւնը
յանձն առնէ այդ երկրի կառավարութիւնը, որը միայն կարող է դիմել Լ ա Տ է ի բարձրագոյն Ատենին պաշտօնապէս:

Իրագործելու համար այդ՝ անհրաժեշտ է խորհրդակցութիւն ու համաձայնութիւն ամէն մի երկրի հայութեան
մէջ. պէտք է լուրջ, փաստաբանեա՞ծ խնդրագիր ներկայացնել երկրի կառավարութեան և հաւաքել ըստ կարելոյն
շատ ստորագրութիւններ. աղկէ զատ պէտք է նաև ընտրել վստահելի մարմին մը, որ կարենայ եռանդուն կերպով
հարցն առաջ մղել:

Մեր կողմէն կրնանք հաղորդել, որ միջազգային իրաւարանական խնդիրներուն տեղեակ անձեր յուսադրած են
մեզ, որ յարուցելիք խնդիրը կրնայ ունենալ որոշ քաղաքական հետեւանքներ, եթէ պետութիւններէն գոնէ մին
(Անգլիա, Ամերիկա, Հոլլանդա կամ մի ուրիշը) համաձայնի նախաձեռնարկ լինելը:

Վստահ ենք, յարգելի հայրենակիցներ, որ ազգային այս հրատապ խնդրոյն առջև, մէկ կողմ թողլով կու-
սակցական բաժանումները, ամէնքդ պիտի գործէք ձեռք ձեռքի տուած, ընդհանուր ուժով պաշտպանելու
համար մեր ընդհանուր ազգային շահերը:

Կը յուսայ և կը վստահի ձեր շրջահայեցութեան ու անկեղծ հայրենասիրական զգացմունքներուն վրայ

Հ. Յ. Դ ԱՐԵՒՄՏԵԱՆ ԲԻՒՐՈ